

昌化縣志卷十四

孝友

孝弟庸行也而奇節寓焉唐昌百里之區弘曾
閔之風廣陶潛之傳者真不勝倦編而刻筆矣
嗚呼又何其俗之隆也志孝友第三十二

宋

梅來兒

邑農家子母阿黃病篤乃齋月餘割股
以進母以無恙咸淳戊辰十一月旌表

元

陳斗龍

字南仲縣西眉川人宋監察御史成五世孫
父天澤娶盛氏無子求宜子者于錢塘清湖

王氏生斗龍未一歲盛不能容遣還至元丁丑天澤病斗龍年十三能奉粥藥禱于神乞減年以延父壽弗效母盛亦病卒斗龍居喪極哀感群鳥集舍飛鳴三日夜儒學提舉孫朝瑞疏其孝行薦為宗晦書院山長將之官或告曰汝王氏出也生數月而主母遣之去斗龍大驚哭即日與妻訣誓欲見母至錢塘無知者有老媪曰汝母嫁江東去矣遂渡江踰淮走徽饒及廣德寧國諸路凡六年于禾豐禮賢鎮得之母為施氏婦老矣施憐而還之至家值微寇犯邑斗龍負母走百丈山命妻隨後未及山遇賊告曰斗龍幼不知母求六年方得歸又相遭如此吾夫婦死無憾但老母無養者賊谷嗟捨去且戒其徒勿更至山以驚其母里中人亦賴以免達魯花赤阿思蘭也奴銳請旌斗龍固止之石塘胡長孺為立傳子三人少曰臯尤敦節行臯子忠仕明至應天府推官贈嘉諫大夫

明

鄭德宏

邑南峽川人生有至性年八歲割股療父疾疾果愈遂終身齋食祈延之撫按旌表

劉德立

家貧事父至孝力給甘旨靡缺及侍疾苦營醫禱夜不解帶父歿奉後母如生母撫幼弟

如同母弟
奉例申獎

鄭遷翰

號賜谷輕財樹德有孝行父病嗜菱非時不可得遷翰鑿冰入深池求之又割股調羹進

母母病立瘳萬曆時令上其事
于撫按旌授冠帶曾三肅鄉賓

邵明理

孝事二親父疾籲天祈代母病
奉湯藥日夕不解邑令申旌

方烈

號蘭谷十二都人性樸茂嘗割股救
療親病親沒廬墓三年奉旌篤孝

徐子夔

字九修以邑學生入太學授亳州同知有惠
政陞北京東城兵馬司指揮慎官箴卻例獻

廉介自持遷岷藩長史或勸進取子夔卻不聽致
仕歸性純孝父母病憂形於色父歿哀毀逾禮生

母早喪奉嫡母許色養無違母亡泣血三年不入
燕室敬愛異母兄子英七十年如一日敦厚姻族
恥言人過有助學田賑飢還妾助喪諸義蹟卒之
前一歲臥榻上見隔外車從甚衆一人執紅索上
書恭迎西湖主者尾註一已字若將迎子夔狀子
夔悉以所見語妻子且曰吾明年四月殆將死也
已而果然

戴冕

嘉靖十四年選貢任南昌府訓導封股救父
而疾愈邑諭王時松卒捐棺以贈邑人皆義

之

徐楫

嘉靖二十四年貢事孀母余氏八十五而孝
不衰任亳州訓導陞建昌教諭平易處僚不

校其犯及僚卒捐貲助其喪
建士大夫交譔詞章以頌之

許敬修

大受子也邑庠廩生少孤力學
母病革嘗糞族黨欽其孝行

許應元

嘉靖四十年貢善事父母及卒哀毀骨立任
休寧訓導本學遷改明倫堂首為倡議而百

廢具舉仕終
桂陽教諭

國朝

章金榜

桔之子字元輝邑庠生年十歲父歿事母王
氏至孝崇禎十年母病篤金榜為嘗糞滌溺

百醫不起乃密封左股以進母隨愈合邑紳衿上
其事於學使許公豸大加旌異之 國初兵至金
榜以母老隨侍不忍去被兵重傷母驚匿牀下倉
遽問疑母死抱石墮門前池中池水盡赤水中如
有所援浮而不溺旣而聞母呼起匍匐母側恍惚
見老嫗進粥數口因以不斃所傷亦不逾月即瘳
說者以為孝感所致至篤友愛崇信
義嚴訓飭慎交游尤為士林望焉

梅守俊守仕

兄弟二人侍父病並禱天封股進
羹得愈時推其孝謂有昔來兒風

章光岳 邑庠生事生母陳及繼母姚咸以孝聞父庠

義方子世法歲貢士

胡拱 邑庠生父病禱以身代歲飢易產施賑妻陳氏篤侍姑嫜夫婦咸以孝聞

陳典 字勳華少失怙偕伯同同居事之如父與從弟析產止取父遺外伯手殖者悉讓之年十五

為學使黎左巖首拔入庠為學務躬行不求聞達性至孝晨夕必問母起居安否母性嗜齋每食必

親設几箸母好行善事典每傾囊以承母志母病躬侍藥餌三年不窺戶外邑令魏墀高其行屢造

廬未嘗一覩其面益敬慕之嚴課三子名曰愚曰謙曰恂使之顧名思義以故三子俱克成父志云

許彩 無他村人家貧蚤喪父倚母鄭氏順治初山賊蚤起母為賊衆掠去時彩年僅七齡稍長

思親念切禱天往尋母踪或告曰汝母已隨某兵至都門矣彩即乞食抵都中偏訪年餘無音或又

告以母在陝西西安彩復趨西安知母為富家紡績門邃屢求不獲見情極悲號哀聲徹天地富家因憐而遣之將歸彩忽病瞽日久不瘳痛哭籲天曰彩不憚困苦十年于外者以母故也今母幸獲歸期彩又病瞽天果不欲我母子還故鄉耶言訖兩目漸明遂奉母以歸世謂與陳斗龍同一孝感焉

何一字 字敬溪父病籲天割股以進而愈邑令徐翀以孝感帝座旌之

葉偕春 字與物邑庠生為人端方醇謹性極孝父蚤亡事孀母曲體無違孝養兼至初母病篤醫

藥罔效偕春悲痛無計朝夕焚香禱天祈以身代隨遇老人授藥一丸母服之立愈復活半紀論者

以為誠孝所格待三兄敬愛無間撫諸孤侄猶已子皆訓誨有成後侄桂祖宰桐城有聲皆其教也

姚兌生 字月門歲貢生至性純篤康熙元年遇父病賫資赴省買人參以佐湯藥時值山賊蜂發

劫掠旁午于道因率三弟九疑伴行既返途經臨安橫塘十八塢口被賊擁入山砦脅令出金贖命兌生告以買參費盡乞並釋歸趨侍父疾賊不許將刃之兌生念父病需參甚急且弟爲父鍾愛脫遇害是速父死也乃哀乞願留已而釋弟持參歸使取金來贖賊從之釋九疑還而使人守兌生甚密至夜各就睡恍惚間若有人促兌生起兌生知守者睡熟潛出砦見火光前導從之急行履山如平地迨天明而已追及其弟同歸見父具述所以父疾頓瘳鄉黨至今稱道其事

章

晁

字林伯幼讀書因家貧力農以供菽水康熙巳酉歲侍母病衣不解帶者兩閱月醫藥罔效乃躬齋沐夜半禱于城隍祠刻左股歸和糜以進母病隨起先是股創未平母命析薪晁勉赴爲柴枝觸傷處血流染襦袴間舉家驚問故晁祥曰柴刀誤傷指耳其不欲傷母心如此蚤喪妻終身不再娶教二子讀書卒紹先業焉邑令林霖培胡奉鼎旌之司諭詹錫贊作傳

方秉乾

字復一歲貢生恃舌耕以供甘旨凡父母便用及喜好之物雖極拮据罔不畢備居喪哀毀骨立三年茹素擁草蓆宿總帷前未嘗一入私室處昆季最友愛飲食必借怡怡白首如一日秉乾以上五代祖骸俱在淺土積修脯掩埋之絕不諉諸從父昆弟子侄畢生好學深思至老不倦獨居如對嚴賓接物常形溫慎時稱爲篤行君子

程鎮儀

字位安早喪母父素整嚴稍不率卽成進士後尚加筆楚父精岐黃延之者衆鎮儀以父不喜外宿每至夜必親候于路雖酷暑嚴寒不假僕隸三奉部咨選授守備堅以親老呈懇辭不赴任大爲上憲優獎父病躬侍湯藥嘗糞滌溺數月不解事繼母亦以孝聞至處從堂弟侄友愛無間

楊剛中

字以悅郡庠生邑南楊村人方五齡卽喪怙恃賴祖父母鞠育成成立年稍長痛親早亡不能奉養做丁蘭刻木像朝夕焚香一日三進饌如生時雖事極紛繁終不少輟事祖父母承顏順志

時作老萊嬉笑狀以娛晚景雖外出暮必歸侍捧杖滌溺未嘗假手僕婢及病篤躬調藥餌衣不解帶者三閱月居喪寢苦枕塊三年不入燕室不窺戶外一生鍵戶讀書銳志據文飭廉隅名節為鄉黨所推重

王彥華

以能孝聞先是母病篤割股和藥飲之而愈無何父又病將殆彥華計無復之亦割股飲之果瘳然人不覺也有族叔無賴子也毆辱彥華母鄰里左袒互毆值彥華奔救而族叔已傷重死矣竟以活殺訟官坐抵繫府獄太守李以暑月親臨清囚見彥華臂二瘡痕詰之得實並得救母情力為申雪始得釋歸

王廷機

字亮載別號石柱生有至性髫年入塾讀書雖丙夜必就親榻省視弱冠為諸生父使游學江左廷機以去親千里外恐有急不能猝達涕泣辭強之乃往既渡河僦居忽心驚汗流恍若有

告語即星夜束裝歸及家其父果病呻吟牀褥廷機侍寢榻奉湯藥不就私室者竟與其父病相終始喪三年汨漬苦古如斑親歿後兄弟不忍分析者數十年其伯舅沒遺亂尚幼撫之如已子其季卒親視哈咻撫之大慟嘔血數升猶不已聞見為之感動

許貴元

年八歲遇父病篤割左股以療之年十六母病復到右股邑令李之黃給扁旌獎

王敏學

字襄仲邑庠生幼喪父常以不逮事為憾謹事母六十餘載色養如一日罔有違志兄弟同居垂老不忍分析邑令以孝友素著請為鄉飲大賓值兄服未除堅辭至再終不赴鄉里益欽其行奉為人倫模楷

方策

字載名邑庠廩生秉乾第三子秉乾性嚴毅家法無寬假策先意承志事事當其衷曲未嘗少于父呵譴事繼母尤孝謹母感其誠鍾愛逾于已出親歿泣血三年哀毀骨立凡先壟朔望必

躬掃展拜不以風雨阻遇先人諱辰則茹蔬致齋
竟日哀容不樂兩叔父貧羈異鄉皆迎養如父父
歿時繼母所生弟穀尚幼撫養教訓亦以讀書敦
行有名庠序撫兄遺孤亦然早歲喪偶終身不續
絃自鞠其子先是學使豫章帥公視浙學廉得策
行疏薦入太學策以母老辭竟不赴窮居友教于
鄉負笈者歲率數十人藉修脯得終養
其母年六十五以勤學過勞致疾卒

義行

范蔚宗撰獨行傳歐陽永叔撰一行傳皆義行

也昌邑處萬山之中愚氓野老目不覩史冊身

不厠衣冠見義必爲爭光日月其天性厚也況

列名膠庠素聞禮義者乎爰倣蔚宗永叔之例

而特書之志義行第三十三

明

潘海孫

好義敢爲杭郡遞運役紅船水夫歲解閩粵
方物赴京師水夫復藉役勒派屬民騷擾不

堪命海孫籲有司勿獲除憤激擊登聞鼓極言不
便觸文皇帝怒發錦衣衛杖斃復甦曳出死于途

數邑民皆
痛悼之

陳

理

同山人父宗儒祖永暹居叶源以仁德世其
家正統庚申勸諭濟荒永暹出穀二百五十

石于預備倉博士丁智撰碑志之宗儒嘗築錢塘
鐵沙河鑿邑西破山灣石路各三里許迄今人稱

便焉成化二年出穀七百石于官旌授冠帶他遇
歲祲私賴以救存者無算少子理始徙同山爲人

惇直讀書持大義紹祖父志益懋善行如建義廩
置義田二百畝歲可入穀四百石以三百石賜族

之貧者餘百石儲
之廩爲鄉人災賑

章文瀾

字靖齋好學篤誼由明經司訓彭澤陞永新

諭隨擢教授開封以拯拔寒素扶植人材爲
已任在彭澤時有歐陽一修者沐文瀾知惠最深
後任浙鹽運使曾以公事千金酬報文瀾廉其事
于地方貧民不便辭弗受父周年九十有六文瀾
亦年將七十告歸事父父病嘗藥剛糞畧無倦容
愛護異母所出幼弟勿羅
外患里中至今咸能道之

陳

灼

國子生陽巖處士鳳書之猶子也承累世之

業儉勤不替獨豁達好施赴急困然諾無所
苟幼失怙順事祖母遺姑六人命割腴壤三百畝
析爲嫁奩灼奉晝周委無違有從姐適庠生姚第
甫半載而發族人訟嗣破產至不能朝夕灼歲遺
帛粟資養終其節嘗維追報之誼首規其先孝子
祠孝子祠者勅旌元孝子陳斗龍而建也久圯地
見侵豪右灼力構復焉已又協創叶源宗祠已又

立同山祀田若干畝萬曆庚戌有司議造飭學宮
方捐俸倡助無響應者灼聞之慨然請于令願一
切身任自大成殿而啟聖而名宦鄉賢而土地等
祠灼出橐中金命子五人董其役凡費二千七百
有奇不踰時而告竣上官咸旌譽之及歿邑人爲
請學使者升祀焉他如設糜以賑飢者挾纊以禦
寒者予樁材待不能殮殯者置阡地待不能窆
窆者至繕橋道飭招提布醫藥皆欣然勇爲之

鄭體乾

字麟伯鴻臚寺序班性仁厚孝謹二親早逝
思慕不輟家素封居常甘清約訓子弟樸勤

篤學無許侈服食顧獨好義不衰嘗議創宗祠有
貧不能爲力者體乾語諸子曰族人我祖一脉也
豐裕之祥幸發之吾與汝卽爲衆辦事可矣何錙
銖衡量耶乃殫力興舉無所諉營葬無嗣伯祖及
歲凶道殣代贖人鬻男寬逋券無所取德施貧窶
無算遺命猶囑緝學宮明倫堂而其子完忠等遂
不靳重橐新
之後祀于校

之貧者餘百石儲
之廩爲鄉人災賑

章文瀾

字靖齋好學篤誼由明經司訓彭澤陞永新
諭隨擢教授開封以拯拔寒素扶植人材爲

已任在彭澤時有歐陽一修者沐文瀾知惠最深
後任浙鹽運使曾以公事千金酬報文瀾廉其事
于地方貧民不便辭弗受父周年九十有六文瀾
亦年將七十告歸事父父病嘗藥剛糞畧無倦容
愛護異母所出幼弟勿罹
外患里中至今咸能道之

陳

灼

國子生陽巖處士鳳書之猶子也承累世之
業儉勤不替獨豁達好施赴急困然諾無所
苟幼失怙順事祖母遺姑六人命割腴壤三百畝
析爲嫁奩灼奉晝周委無違有從姐適庠生姚第
甫半載而發族人訟嗣破產至不能朝夕灼歲遺
帛粟資養終其節嘗維追報之誼首規其先孝子
祠孝子祠者勅旌元孝子陳斗龍而建也久圯地
見侵豪右灼力構復焉已又協創叶源宗祠已又

立同山祀田若干畝萬曆庚戌有司議造飭學宮
方捐俸倡助無響應者灼聞之慨然請于令願一
切身任自大成殿而啟聖而名宦鄉賢而土地等
祠灼出橐中金命子五人董其役凡費二千七百
有奇不踰時而告竣上官咸旌譽之及歿邑人爲
請學使者升祀焉他如設糜以賑飢者挾纊以禦
寒者予樁材待不能殮殯者置阡地待不能窆
窆者至繕橋道飭招提布醫藥皆欣然勇爲之

鄭體乾

字麟伯鴻臚寺序班性仁厚孝謹二親早逝
思慕不輟家素封居常甘清約訓子弟樸勤

篤學無許侈服食顧獨好義不衰嘗議創宗祠有
貧不能爲力者體乾語諸子曰族人我祖一脉也
豐裕之祥幸發之吾與汝卽爲衆辦事可矣何錙
銖衡量耶乃殫力興舉無所諉營葬無嗣伯祖及
歲凶道殣代贖人鬻男寬逋券無所取德施貧窶
無算遺命猶囑緝學宮明倫堂而其子完忠等遂
不靳重橐新
之後祀于校

許宗榮 正統庚申出穀四百石子俊出穀千石入百丈倉以備賑濟博士丁智撰有碑記

戴信 成化乙巳歲大稔出穀千石以賑邑人給冠帶勅建尚義坊

邵廣 成化乙巳出穀五百石賑飢勅建尚義坊

徐鎡 成化乙巳出穀八百石賑飢給冠帶建尚義坊

戴鉷 弘治甲子俞東明倡亂鉷與兄鑑弟銓結眾為禦問里賴以保全邑大飢吏沈江罔令藉

賑飢姓名類皆冒妄而飢者殍盈郊野鉷懇言吏弊于白叅政即筆江死疏劾令去而飢者始得實

賑子璪弁冕甫皆登仕籍孫八人皆充儒學廩增生員鄉人皆謂積德所致

許邦寧 年二十四歲喪妻黃氏遺子方襁裸人勸其再娶邦寧泣謝曰娶妻以承祖祀邦寧有子

足矣又安娶為自撫其子迄于成立歷四十餘年人皆義之且孝事繼母聲稱鄉黨隆慶六年邑令

周易申請
給扁旌問

朱鼎 字廷用慷慨仗義學宮櫺星門舊以木為之

木以石又櫺星門前基址狹隘鼎復捐田十畝以恢擴之給冠帶

方天霖 萬曆十二年貢任桐鄉訓導轉萬安教授娶妻跛眇垂白和好不衰人多其有恭叔之行

戴可彥 天啟間貢謙和長厚篤于行誼嘗娶一妾憐其貧返之居喪九載克以禮聞仕終黔江知

縣

胡三兼 字以施官上林丞慷慨好義崇禎乙亥修學宮合邑紳士以三兼廉敏公舉董其事工竣

計缺費三百餘金欣然傾囊償之已卯大水流屍遍野三兼買舟運樁材自昌抵桐江收掩無算後

歲連遇大稔飢殍盈道路三兼復捐棺殯者歲以百數計且捐義塚埋焉邑巡檢麥學湯粵東人也

解任貧羈于昌者數載計賣妾以治歸裝三兼聞而憫之餽百金得以夫婦完聚復歸故里其比鄰兩被謔出灾寡嫂居亦焦土惟三兼室無恙遂出已屋居之邑令方仲震上其事各憲咸旌譽之

國朝

帥承宣

字宗翰家世敦仁厚承宣篤奉父教為邑諸生温良樸雅以古道自好義方課六子博物

洽聞尤精岐黃術活人多不責報邑令顧謙服下車延訪稱善以為君子儒與德行許敬修並受知焉咨詢公事興革多所裨益然不屑干以私故始終致敬不衰順治癸巳有司議遷文廟而難任事者羣論推承宣毅然倡助力董厥役復獨捐百金葺啟聖祠汜有成功士人義之公舉德行詳充鄉飲賓席

程弘道

字邇鴻少為諸生温厚周慎人稱長者素為時宰所敬信凡事多咨決後行性孝友事父

一垣克盡色養撫諸弟怡怡如也後援例卒業考州佐得與四方名士游益折節為恭讓未幾父亡弘道哀毀過禮越三月亦亡眾咸傷之

潘欲昇

字寅日年十四補邑弟子員為人精警有識氣度雍容博極羣書善談名理學者多宗之

弟子常數十人由明經例當推選以母老辭不就明末盜起邑令李人龍部良家子討之辟欲昇為大都正資其策賊平全活甚眾歲大稔欲昇首捐錢五萬以賑繼復傾倉廩作粥濟飢民賴以存居母喪年已六十有七號踊哀絕聞者墮淚靡不稱其孝焉長子之瀾邑學生好古力行早世次子之潤弟子員到股療疾廣刊先哲格言喜勸善施藥建亭為利濟事人以為象賢云

徐自伸

字際飛邑學生恂恂勤學閉戶友教者二十

年及門多英士縣學舉優行者五凡十赴秋闈嘗為黎左巖督學首拔天啟丁卯分房顧國寶薦上卷數奇僅置副榜太史黃石齋過昌延訪下

其廬殊器重之後以明經擢金華府學訓課士有聲惜卒于任

戴可受 十九歲喪偶不再娶至老無玷行鄰里共推其義

胡鷗 年二十一歲妻死誓不再配

潘守峻 約長也安之裔孫順治初進定閩省大兵絡繹江上沿江水道派取繹夫於昌二邑動輒

千百災民死徒接踵守峻蒿目恫心挺捐二百金售募且力額將領二邑得免于厄至今口碑義之

章棹 字仰山性謹厚好施凡族屬或苦青黃不接輒先量為支給康熙甲寅山寇剽掠邑之叶

源勒索不得即繫其婦女數百人以去擄劫至湖郡所掠婦女備極窘辱號哭聲不絕時棹貨木于

湖聞之即馳至賊營奉以千金贖還且給資以歸叶源人遂得復相完聚如初後孫採城兄弟並舉

於鄉壇壝兄弟同登甲榜始亦貢入太學游庠者科不絕人世以為陰德之報云

姚舜巡 字子輯邑庠生疎財好義倜儻不群邑中值兄甚友愛兄聽讒析箸多不均後兄遇事有以報復之說進者舜巡曰寧有兄弟而可以修報復乎

為調護益力兄得無患舜巡終身不言兄亦不知也嘗捐貲首倡義社多設棺具以給貧乏康熙十

年偶至湖郡大飢遇有因逋欠為債主所迫者夫婦以身鬻舜巡舜巡憐其人且老即出金代償之

逾年其子倍金相酬舜巡遣之還竟不取其子泣拜而去

童養廉 字仍白持躬長厚處眾謙和捐資修理學宮建文昌閣歲旱蝗救濟貧人甚眾鄉里中死

無所歸者買棺殮之貧鬻妻者捐金止之親族子弟有志讀書者給以膏火弗吝崇祀鄉賢祠

余有庠 字時周父懋仕家貲微薄生三子長即庠次日序三日賡及壯已析箸庠乃操計然術積

累數千金白於母悉出所有與兩弟均分之縣北道場坪江浙孔道也素患盜有庠勅菴募僧接待

昌化系云 卷十四 二

行人往來始無恐他若助學宮施棺木寬通租

章廷元

字思溪邑西頰口村人好義樂施每逢歲歉

即出粟分賑康熙丁巳捐資百餘金修葺文廟邑令焦桐延為鄉賓孫涵庠生克紹祖志亦捐金獨修尊經閣後涵子華厦登乾隆丙辰鄉薦需次邑令以力學能文名于時人謂祖父崇尚學校之報

王之臣

字仰峯邑庠生家貧素以狷介聞偶憩于亭

亭者三日忽一人張皇而至叩之則遺金者詰其數悉與所拾符乃取囊歸之客欲以半為酬固却之不

余秉鉞

字子武施棺掩骼出粟賑飢及興修學宮如勅建卯峯東塔率多捐助

余鎬

字京自邑貢生克繼父志敦宗睦族捐賑好義為士林所推重崇祀忠義祠

方之範

字文玉家貧力學事祖父母及寡母以孝稱蚤歲失偶終身不再娶律躬方正閉戶讀書

曾不干預外務觀風整俗使王國棟旌其廬邑令紀逮宜舉鄉飲禮延為大賓子三植敦行善文亦以名貢生世其家學

王廷標

字賡颺國學生性好義喜施捨里有橫溪橋為通衢要津值傾頽捐百餘金修葺之行人

賴以無恐至愛諸弟任勞苦遜逸樂分財維均無絲毫苟尤有難能之行為里黨所推服

王克肇

字修遠邑庠生年四十慳嗣納杭城盧氏女

實即遷居別室名女父歸之原聘勿取焉有陳某者娶幼媳未及婚質某氏迨女年及笄某計納為妾陳覺之白克肇克肇即出金代贖還某疑其轉售也訟之官事白陳氏媳竟得完娶又有夏某者累世單傳至某貧不能娶克肇傾囊助其婚夏氏祀由此不斬

章日焯

字燦明邑西歷村人先世以勤儉起家為人矜莊而好義三黨以急告輒資給之顧常焚

貸券不責其償康熙辛丑歲旱甚日焯蠲米設粥

廠賑活飢民藩憲旌其門乾隆甲子歲大水念歷

村及龍井兩莊為比鄰賑粥雖救一時而不可以

經久乃做朱子社倉法蠲穀一百石每春借秋收

石穀取息十釐以備折耗其出入遶老幹

者董厥事而已不與兩莊窮民多賴焉

徐成業

字繩武邑庠生父母早喪篤撫兩弟年二十三喪妻章氏誓不再偶從無垢行

昌化縣志卷十四

昌化縣志卷之十五

封蔭

王者賞延于世人子善則歸親古今不易之通

軌也昌邑承恩蔭者十之一荷寵錫者十之九

其故在鵠起者有人而高爵華仕終鮮爾雖然

天家之澤固勿以大小殊也可沒而不彰乎志

封蔭第三十四

宋

章祖義

以父鑄蔭初任知縣歷仕兩朝襲開國男

明

方仲貴

以子茂贈神武後衛經歷景帝勅曰國家兵衛之設所以分理軍政長貳皆以勲臣處之

至于幕職亦必得人乃克有濟爾神武後衛經歷司經歷方茂發身胄監擢任斯職歷年既久式克勤慎是用授爾階徵仕郎錫之勅命以示褒嘉服此恩寵懋修不懈尚有顯秩以需爾成欽哉勅曰國家推恩臣下必及其親者所以重本而勸孝也而何間于存沒哉爾神武後衛經歷司經歷方茂父仲貴慶鍾厥子而祿養不逮揆其所自宜有顯褒今特贈為徵仕郎神武衛經歷靈其不昧尚克承之

許

顯

以子瑒贈南京豹韜衛經歷武宗勅曰國家設軍衛以安民則專武職置幕官以領務則

用文資寓意實深任人宜慎南京豹韜衛經歷司經歷許瑒發身胄監列職幕僚綜理惟勤操持罔

玷歲年寢久榮勳良多宜有渥恩宜示褒勸茲特進爾階徵仕郎錫之勅命夫官不計崇卑必求其稱事不論難易務底于成勉圖進修以俟甄擢欽哉勅曰人子事親之道莫大于顯揚朝廷待士之恩莫重于褒賜此國家之定制豈存沒之殊科爾許顯乃南京豹韜衛經歷司經歷瑒之父迹晦正園家傳禮樂篤成令子久著賢勞既違祿養之榮宜示褒崇之命茲特贈為徵仕郎南京豹韜衛經歷司經歷歷漁號是承幽冥永慰

沃

良

以子昌贈

凌

潭

以子伯鳴

郎

益

以子鵠贈

徐

梯

以子夔贈東

戴

錦

以子冠贈應天府經歷世宗勅曰京府為首善之地政務叢委南北惟均為之幕者必得

勤敏之士乃克稱焉爾應天府經歷司經歷戴冠發跡賢闕擢屬京府持身謹恪蒞事精勤賢譽彰

聞行能茂著朕用爾嘉茲以國家慶典覃恩特進爾階徵仕郎錫之勅命夫居官以克終為難爾其益慎乃心勿替初服顯擢伊邇朕不汝遺欽哉勅曰朕以元良申慶霈澤寰區凡爾群工咸膺褒命矧厥考作牧躬有勞于國者哉爾原任河南開封府陳州判官戴錦乃應天府經歷司經歷冠之父往以才職佐政鉅郡賢聲未泯遺愛猶存厥所積培克成爾嗣揚芳振美足紹前休茲特贈為徵仕郎爾靈不昧尚克歆承

胡文昇

以子嵩贈大興縣縣丞世宗勅曰朕惟赤縣之設近在城都者俗雜政繁號稱難治豈惟

令尹在于得人雖佐貳亦不輕授爾順天府大興縣縣丞胡嵩克以學行發身胄闈敬慎清勤才猷幹濟歷年滋久茂著賢聲茲以考績聞特進爾階文林郎錫之勅命夫士凡效勞于公者皆有恩命以榮之國家勸功能者厚矣其尚益圖報稱殫乃心力以副任使稽年敘陟朕不爾忘欽哉勅曰人臣有能效勞于國者朕必推于其親所以慰孝子之心而益勵其忠也爾胡文昇乃順天府大興縣縣丞嵩之父隱德弗耀名重鄉評教子有成效官守法庭訓之嚴可徵矣茲特贈爾為文林郎順天府大興縣縣丞匪徒申追遠之情亦以勵亢宗之志

陳謨猷

以子鳳姿贈光祿寺良醞署監事世宗勅曰光祿掌醪醴膳羞之具以供宗廟朝廷之用

厥任實重且繁簿領之司必慎其選爾光祿寺典簿廳錄事陳鳳姿育秀儒庠奮身胄監初試宰屬序遷今官夫爾守已弗渝執事有恪茲以秩滿特授爾階修職佐郎錫之勅命夫爾三載服官兩膺休命受國恩厚矣尚益懋勵用圖報稱欽哉勅曰人臣有列于朝恪供厥職志未嘗不在顯揚其親也朕方隆孝慈闡誕敷渥澤可無以遂其情而成其孝哉爾陳謨猷乃光祿寺良醞署監事鳳姿之父舍真抱樸樹義敦仁孝子服官躬食其報康齡未艾祿養方寧茲用封爾為修職佐郎光祿寺良

醜署監事祇佩
榮休永綏壽祉

章文泮

以子桔贈順
天府照磨

○王尚寶

以子大裕贈
信宜縣知縣

方時淵

以子世臣封南京
工部營繕所所正

○陳性淳

以子紹贈大
興縣縣丞

王朝禎

以子錫袞封
上林苑署丞

○朱燾

以子益賢贈北
京彭城衛經歷

國朝

潘璇

以子元鼎
贈文林郎

○潘文明

以子溶贈
明威將軍

章燦元

以子壇燠贈
武德將軍

○徐應祧

以孫有文贈
通議大夫

徐正名

以子有文贈
通議大夫

○徐國文

以子中燁
贈登仕郎

張瓊

以子鴻相
贈修職郎

○王發中

以子僑贈
登仕郎

貢監

成均天子之學凡民之俊秀皆造焉昌邑人文
溢於鬻序觀光用賓之彥將將躋躋抑又盛焉
西漢時入貲為郎司馬長卿仍以文學顯然則
胄監亦士子發跡之一途乎志貢監第三十五

明

許珍

江西瑞
金主簿

王文貴

許琮

道州州同陞南
京豹韜衛經歷

○童永威

江西九江
府通判

陳琅

○李邦相

福建連
江主簿

陳脩已

○江 昕 江南江浦 衛經歷

戴冠 應天府 經歷

○王 轟 貴州鎮遠 府經歷

戴瑞

○周 鼎 邳州 通判

王同理 湖廣德安 府經歷

張應祐

胡嵩 大興縣丞陞江 西廬山知縣

胡秉義

朱昕

朱璟 省 祭

徐梯 廣東布政司都事陞 四川崇慶府審理

○何 衢 河南靈 璧縣丞

許希尹 江南英 山主簿

○許希翰 童蒙吉 江南江陰縣丞陞 江西南康府經歷

陳鳳聯

○王 賓 江南宣 城主簿

胡秉和 揚州鹽運 司經歷

朱良時

葉溶 陝西秦州同知温 雅樸茂廉幹有聲

陳鳳姿 光祿事典 簿廳錄事

方夔 廩貢捐資助學 憲旌給賜冠帶

○黃用中 海鹽縣丞陞 南康府經歷

朱益賢 有 傳

朱廷賢 禮部 儒士

徐子英 山東東昌府經歷改萊州陞王府審理恬雅 自適享齡百有八歲子學顏以德行稱于庠

章校 有幹守任博羅主簿催科兼撫循並 至人以不擾告養居家義烈尤著

許希夷 華嘉獎 巡按李邦

○胡秉貞 考州 判

王 裘 滁州通判陞山 大興縣丞

章 桔 順天府照磨陞寶應縣主簿廉能盡職卓異有聲

胡一經 江南蕪湖主簿運糧有績兩院交獎 徐 杰 山東布政司理問

鄭見周 王文成 主簿以才行聞

王 宮 福建布政司理問 陳 灼 有傳

胡一視 有傳 胡一鶴 湖廣鄖縣主簿

許大法 許希驥 湖廣祁州吏目

畢宗魯 青州吏目 胡一龍 山東鄒縣丞

王大祿 平陽府太 楊文明 志氣豪邁有烈丈夫風

朱家賢 鄭遷資 廣東增城主簿改江西萬年縣

胡秉誠 江南山陽主簿 胡三策 江西武寧縣丞

徐 策 江西南康縣丞 葉雲文

徐子夔 有傳 姚 沅 江南上元主簿陞淮安大河衛經歷

徐文燁 貴州黎平府經歷調雲南臨安衛 陳大翰 山東泗水主簿

陳 紹 大興丞有惠政陞寧州同知倡建會館京邸

王美中 王子文 南安縣主簿

章印辰 江西吉水縣丞 童時敏

胡廷靖 山西高平縣丞陞 徐 槃 山東泰安州吏目

徐文輝 鎮遠縣知縣

姜有慶

姜名立 江西上饒縣丞陞桂林府經歷再陞福建平海衛經歷

徐文奕 湖廣湘鄉縣丞陞長沙府經歷

朱一紳 朱一綺 主簿

鄭本周 徐承弼

鄭體乾 鴻臚寺序班有傳 王三省

胡思榮 王三重

方世臣 南京營繕所所正 王三奇

陳道陞 王秉中 四川梓潼縣主簿

陳道均 陳道坤

王粹中 萊州高密縣丞陞泗州經歷 王文謨 四川閬中主簿

王文英 章嘉謨 陞松江府經歷

方道志 鴻臚寺序班 陳大年

許漢 陳吾聞 考主簿齒德兼隆九薦大賓

胡三試 順治元年任光祿寺監事轉任理藩院知事又轉東城兵馬司指揮陞沔陽州同知

姚舜發 考知印 王明揚 考序班

胡三級 上林苑署丞 胡三兼 有傳

章嘉猷 山東青城主簿陞泉州府衛經歷 方世賢 四川彭山縣主簿陞南昌府經歷

姚舜揆

鄭元孝

姚舜孝

姚舜享

鄭達節

方世顯

姚舜達

葉孟春

方世翰

章炳然

陳君範

胡思奎

許士會

許應詔

王授元

兵馬司
指揮

王文穆

王宇懷

王錫元

陳其禎

葉元春

湖廣孝
感主簿

章燦然

四川遂寧
縣主簿

葉輝春

考主簿舉止端
嚴常出粟賑飢

國朝

帥鎮

附貢

姚九功

胡思澄

考州
同

程弘道

張鍾祥

附貢考
授州同

鄭龍甲

姚瑄

平陽
訓導

徐煒

姚九賓

平陽
訓導賑恤

姚九賓

平陽
訓導賑恤
孤寒勤于課士

余日照

考州
同

戴英

考州
同

戴大華

考州
同

徐廷臣 考縣丞

○ 余秉銳 考縣丞

余秉鉞 考州同

○ 余 鎬 附貢有傳

姚 玳 附貢

○ 方逢陞 廩貢

胡 潞 廩貢

○ 徐周祥 考州同

姚承緯 考州同

○ 胡 潛 增貢考選訓導

胡 元 考州同

○ 潘護渠 考兵馬司

章日煒 考縣丞 厚持已端嚴 居心醇

○ 徐 試 考縣丞

童志璋 考州同

○ 王廷槐 考縣丞

姚亮辰 考州同

○ 徐中超 考縣丞

徐 綸 考州同

○ 楊壽昌 考州同

余明龍 考州同

○ 余 傑 考州同

畢肇龍 考州同

○ 畢世榮 考州同

程必遂 考州同

○ 方祐俊 考州同

鄭昌後 考縣丞

○ 鄭明哲 考州同

徐人瑞 考縣丞

○ 鄭克紹 考州同

張鴻湘 京 都 西 直 門 外 高 糧 橋 都 察 院 分 巡

○ 章 培 監 貢

程 榮 監 貢

○ 王 健 增 貢

姜 耀

童光墀

楊錫祚

余泗

章學序

童兆周

帥邦相

章炳

胡浩數

王緒

徐人瑞

何鳳儀

胡煥文

程世昌

姚映震

以上俱附貢

吏選

周官府史並庸漢朝公府交辟錄才之道多方

入士之途不一士豈可盡以資格限哉志吏選

第三十六

明

潘安

有傳

章文泮

福建長樂縣典史

戴珂

生員奉例冠帶

王業

湖廣孝感縣典史

畢煒

江西都司安福寺禦所吏目陞湖廣荆府典儀正

章良正

福建建安縣典史陞廣西武靖州吏目

王官

南京丙字庫大使陞福建興化府知事

許汝像

廣西平樂府司獄陞嚴州府和豐倉大使

王大吉 陝西郿縣典史 ○方賢泰 福建三山驛丞 陞長沙大使

帥 標 萬安司 巡檢 ○童子昂 江西黃茆司巡檢

鄭子嵩 山東膠州石河場大使 ○童子昂 南直隸廣德州巡檢

帥 文 南直隸盱眙縣典史 ○陳鳳泰 揚州府邵白鎮巡檢

方賢高 陝西寧塞大使 ○徐思宗 萬年司巡檢

許 鏞 三水司巡檢 ○洪 儒 江南句容縣華亭驛丞

許宗舜 廣西梧州通運所 陞萬承州吏目 ○陳 穆 江南蕪湖縣溲港驛丞

章華國 廣東合浦縣典史 ○陳 謙 四川銅梁縣丞

畢宗正 江西德興縣主簿 陞鐵嶺衛經歷 ○陳吾慧 四川宜賓主簿

陳宗明 四川墊江縣主簿 陞懷遠衛經歷 ○耿 耿 揚州場官

徐思道 童宗典

徐元翼 許 沐

陳吾道 方國元

梅 昇 ○余 直 石埭縣典史

余 溶 河源縣巡檢任 ○徐子禮 平里市巡檢

余近榮 柳州融縣主簿 ○童蒙敬 福建連江主簿 改武昌縣丞

胡秉範 河南光澤縣主簿 陞六安衛經歷 ○王朝文 藍山主簿

胡 瓚 合浦巡檢 ○胡廷獻 漢陰主簿

王朝立主簿

何世鵬省祭

姚汴廩生由藩司省祭任蒙化衛知事

程一栢武強典史

阮俯潛山清口驛巡檢

胡廷聘

章采增生藩司省祭

胡廷和

余大鵬福建崇安縣分水關巡檢

章華宗考主簿

胡一佑四川廣元主簿

孫邦祥

姚正勗福建石牛驛丞

邵英

阮子厚龍州吏目

黃公寬冠帶

孫應科冠帶

許汝奮考主簿

王武曲巡檢

王大用廣東巡檢

方朝明

王大珂新化縣蘇溪司巡檢

許汀平和縣典史

徐思忠陝西萬年縣主簿

許志尹吳縣舟頭司巡檢

胡三錫

姚正胤江華縣錦田司巡檢

許守職茗溪驛丞

許志台廣東靈山縣典史

張文龍江西泥黃司巡檢

陳天忠廣東吏目

余有枝江西伏牛司巡檢

姚舜佐考主簿

畢竟安

畢竟建

童撫辰

王三祝

鮑文材 考主簿

童鳳梧 雲南巨津州吏目

童鳳竹 江南婺源縣典史

朱 焯 徐州永成庫大使

楊 鐸 廣東清遠縣驛丞

王 圻 太平縣主簿

王同朝 福建莆田縣石坎頭巡檢

王三槐 嚴州府倉大使

○王大有 北直曲陽縣典史

潘 輔 江南靖江縣典史

○潘 勉 應天副指揮

余國祿 江西南豐縣龍池司巡檢

○徐 涇 廩生任赤城縣丞

余世祿 省祭

國朝

童士超 廣東潮州府經歷陞平遠縣知縣終惠州府知府

童養道 貴州獨山州吏目 楊奕清 刑部堂吏

方 來 北直赤城縣典史兩署縣丞事住扎獨石口勤慎稱職

耆壽

深山大谷之間風氣完固其民龐鴻淳懿恥以
僂巧為習黃髮鮐背鼓腹以遊黃虞之世好行
其德蓋天性也在元雪江山長凌緯著有壽者
錄湮沒弗傳今特哀次兩朝人瑞列其名姓庶
使覽觀者得以歸厚焉志耆壽第三十七

明

帥 瀾

號本渭督修學廟有功給冠帶

○童立芳

號松屏解紛睦族時誦長厚冠帶

童思賢

賑貧乏助婚葬里黨以樂施名之

姚 緯

童仲愛

○姚 緯

號見泉冠帶樵樸有古人風

陳 綬

冠帶捐貲建橋

○方尚教

黃 淵

○章惟益

潘 夙

號龍潭冠帶設粥賑飢助漏澤園義行可嘉

姚 汶

號少坡奉寡嫂撫侄有難能之行壽八十

陳 讓

號小山謹厚能周人急

○許應奎

許 璫

○許 綵

葉雲錦

號惟美敦孝義為鄉間所重

○葉雲秀

冠帶好施急困族黨稱義

吳汝仁

○洪壽緣

徐 佩

○方時淵

號繼橋好施

方時譽

號仰橋出穀賑飢捐地豎文昌廟給冠帶

姜名揚

號克吾處昆族有恩義

○徐一經

胡 壽

號東懷柔忍篤厚待昆季藹如也

○徐 秀

姚 紳

冠帶

○胡一科

號兩峯施藥周貧義聲溢眾冠帶

童 實

○童文虎

○ 胡富 號東山十一都荆洲人性慈柔同居三世總家政無所私好為德于鄉邑嘗捐義穀助學

田十畝聲烈尤著

○ 董承祖

○ 王天勝 號南溪容忍無忤借貸不責償人服其德

童孟芳

○ 方烈 五都人

○ 鄭南模 號南泉息爭銷戾有和厚風 ○ 胡秉廉 號思泉例省田息佃人懷惠冠帶

鄭朝節

○ 童宗化

○ 章道榮 號 律身整飭教子義方壽九十九歲邑令陶欽中手書百歲第額表之

童聯芳

○ 章周 號德全至性仁愛鄉黨有孝弟稱且教子瀾泮俱有仕聲壽九十六冠帶

何文翰

○ 童大儒

○ 朱明賢 號子高家庭嫻睦聯居數世無隙形遇飢歲施活里民甚衆年七十有三

○ 許堯卿 號子相施乏濟度捨穀救餓以義聞 ○ 陳鳳冕 號應周平生篤友誼蠲租息壽八十

鄭君蒙

○ 徐桂

○ 畢宗高 號崑石冠帶捐資解構事多推讓 ○ 胡霖 號菊泉冠帶持躬介然非義不取

方子祐

○ 童自榮

童江

○ 郎江

○ 王仁 號壽卿樸勤厚懿事庭闈至孝雖白首孺慕不衰

○ 徐魁 號望山立心和厚葺橋梁賑飢僅憲旌冠帶

余夢麒 樂澗自樂壽高德茂
詳憲達部恩褒冠帶

鄭南椿 號仰龍篤友愛惠
親族懿範可垂 方尚燭

許玠 潘珂 冠帶

許經濟 號子時居家勤謹
有法庭闡肅然 潘玠

章材 九都人焮之父邑庠生性孝友喜讀書不慕
榮利學飭才宏為士林所重享年百歲妻許

氏亦九十有八邑令岳方題有榮壽堂額

陳鳳駕 陳樟

陳鳳翥 王子秀

董一源 號月泉鯁直而有
厚行鄉閭仰重之 許相卿 號見泉少孤成
立好義疎財

董承宇 號弘所為
人孝友 王一本

王文景 許邦本 號瑤山慕義急公
率多嘉績邑令周

洛都給扁旌之鄉里咸推善士

帥燭 公正質直以義聞于鄉巡按胡公繼升
咨採善人親行旌獎給冠帶年七十八

方廷祿 周廷璽

饒景隆 號茂之才力勤敏督造尊經閣明倫
堂有功縣學多獎諭之壽九十有七

許良鏜 胡廷鑑

童吉猷 號惟安精幹不私凡公務若縣廳公解及兩
關四倉多所效力奉院道旌獎壽八十有奇

方世魁 戴珂 冠帶

許一科 凶年好周貧乏享姚正綸

方曾裕 能勉力給婚葬又設糜粥救飢禮部胡給冠帶

姚正經 溫厚樂易昆族貸句不責償嘗值歲歉獨捐租賑一鄉飢民全活無算邑令顧給扁旌之

熊邦俊 行已方正惟樂講孝弟事奉公凜法比德古人年八十六

程一槐 溫良秉正於糾紛善為排解有月旦高評之推享年九十二

許應壽 睦嫻族里服躬以禮義年八十冠帶潘守道 邑庠生才思淵博族里羣服其德行

冠帶

潘橋冠帶

湯仕勝冠帶

呂執中 號少溪原籍歙縣禮部儒士

國朝

余一庠 性孝友叔遭賊擄與堂弟廩變產獨赴賊寨贖命路拾遺金百兩訪還其人至今稱義

程大受 存心醇樸屢值歲飢樂以寬仁周急遠近德之迄今二子及孫猶篤承其志云

程應全 方榜

徐文彥 仗義好施兩荷憲旌善人給冠帶年八十二

孫應期 行止端莊刻意教方煥 子年九十有三

姚舜哲 義方訓子睦宗族寬通賑貧助學整葺兩廡時推其義以善人兩荷憲旌

帥世卿 性慈孝處兄弟雍和明季十四五年歲凶賑飢埋道殣改學樂助績著官牆

胡守雲 天性孝友奉母氏度與繼皆盡禮善撫幼孤侄丙子辛卯歲凶咸給米賑飢不喜與外事

惟課子若孫以職業讀書專取與不苟鄉黨咸推其長厚年七十八

昌化系示

卷十五

七

周茂

○梅尚慶 敦從古道克全友于以孝弟率子孫

年八十二

汪宗鏞

仁讓自持孝友稱于鄉慨助宮牆崇建學前坊表

張思禮

恂恂孝慈以謙和著聲名修學慨助有功

楊起泰

二親垂老善承歡篤友于愛寬逋濟乏與築學牆慨助有好義稱

程羽萬

庠生品詣醇厚

○方之琦

字公韓律身嚴介

徐士佐

○姚舜選

胡其嘉

樸厚端方士林矜式

○胡思太

童可美

天性醇樸克盡孝友周卹窮黨

○許廷綬

章朝登

○胡其植

古道自敦

阮學勳

○方世科

王象坤

○姚士悅

楊萃泰

渾厚醇樸

○程一垣

敦宗睦族捐資修建櫺星門

楊士鰲

○章明彩

胡尚逸

冠帶壽八十八

○童宗賢

仁厚有聲

童士元

勤儉淳謹

○胡思行

撫恤窮佃

楊振昌

庠生孝事後母弟出繼父遺甚厚悉平分不私調卹姻族無倦

鄭起淵

○許惟陞

壽八十六

姚亮辰

許穎 壽九十

徐待用 巨溪兩橋 皆助田畝

徐元會

程元資 庠生績學有素 為士林雅望

姚舜孚

胡舜誠 樸邀有 古人風

許進 事繼母孝 端方嚴正

張淳

胡光暗 字縉韶性孝友 撫孤如已出

鄭龍瑞

章燭

王日善 慷慨好義

董其鑲 庠生救 荒焚券

胡滋 樂善好施

葉日章 庠生孝 友純樸

余明彪 庠生克敦實行學諭魏以 孝友申詳學憲給扁旌之

王率中 蚤喪父事孀母以孝聞訓幼弟游庠母喪白 烏集庭捐百金修葺文廟兩舉鄉飲壽九十

徐必治 非義不取

帥廷文 庠生居家孝 友嫻睦樂施

帥鳴鸞

王式旦 字魯玉邑庠生舉 鄉飲大賓生平處

兄弟恭友無間言雖頌白一堂猶稱哥哥弟弟如 孩提時現年八十三歲手著尚書節解學庸節畧

潘之華 淳樸謙和 施藥濟貧

楊建昌 庠生壽八十 二恩給冠帶

陳宜光 長厚 誠朴

朱津 程翼 孝事孀母與弟翁 同居友愛無間言

潘仕瑁 仁厚至孝 邑請大賓

徐成桂 厚重

程三俊 剛正 好善

孫國讓 誠實老成 積善鄉里

王宇煥 撫長兄遺腹猶已子次兄無子 買妾奉之遇歲飢乞糴分賑

胡宗文 與弟宗武建 尊經閣冠帶 董一敬 友恭 勤儉

潘國望 品誼端方 士林雅望 陳天章 厚重 端方

徐廷奇 持身仁厚 友于昆季 方正賓 捐金 修學

徐元會 姚亮德

許維屏 壽八十三 秉性 童邦亨 孝友 睦族

胡德華 孝友 許貞明 正已 溫厚

胡國助 冠帶 胡國佩 冠帶 壽八十八

陳宗舜 事孀母極孝早 喪妻義不再娶 舒琪美 行敦古處 名洽鄉里

方岳貢 孝友 好施 許志堅 醇謹 修飭

方一綸 淳樸 可風 胡尚茂 鄉飲 兩次

徐士柱 朔菴建橋 里人稱義 胡希勳 字爾躬康熙辛丑 歲飢出粟賑濟藩

憲傳給 匾旌之

徐天祥 節世開

董之法 董之輝

汪士祿 汪士謙 封股療母篤撫幼 孤邑令趙以善冠

鄉評額
旌之

○方天應

好施子
重然諾

方岳舉

寬仁
儉恪

○徐滋仁

方岳進

古樸

○童士誠

冠帶

胡光章

年十四割股療
母捐資修學宮

○汪士祐

謝維旦

○程與

居家孝友
處世端方

姜學滿

持躬
長厚

○帥宗照

姚玘

○童士明

鄭文林

○鄭可偃

章日耀

古樸醇茂辛丑歲稔出粟煮賑藩憲傳給
匾嘉之邑令羅朝彥行鄉飲禮舉為介賓

何世灝

古道
自敦

○帥家球

誠樸

帥家興

勤儉
可風

○姚玘

謙厚
樸直

童自誠

質樸

○沈師旦

秉性
仁厚

張良相

學校
旌良

○潘思佑

樸直敦厚學
憲彭旌之

黃學益

○方之瑗

胡允元

早鰥
不娶

○童茂元

兩沐
壽九十五
皇恩

魯厚

○方明蘭

居心
淳厚

童有奇

兩賜粟帛
壽九十六

○帥應偉

徐必逢

○帥國文

潘學閔

兩沐 皇恩 壽八十五

○ 邵承法

程大榮

○ 朱允剛

樸厚醇謹兩受 粟帛壽九十五

帥應期

○ 徐日昇

方可選

○ 孫良棟

辛丑歲稜出粟煮 賑藩憲傳旌之

何茂芳

居家孝友 古道照人

○ 胡 柱

勸捐修學儀型鄉 党部給八品頂帶

葉國楨

庠生友愛睦族 捐棺以殮流屍

楊邦佐

老成 持重

○ 朱良卿

孝孀母 友兄弟

朱 鷄

○ 楊彩泰

壽八 十八

朱良惠

○ 童光身

天性醇朴 訓後有方

朱良情

壽八 十二

○ 朱一旻

壽八 十五

昌化縣志卷十五

昌化縣志卷之十六

列女

劉子政傳列女蓋以昭女誠表壺範范史因之
遂爲歷史不刊之令則匪獨苦節之貞而已昌
邑士有特操而閨門之行往往可以圖芳鐘萬
約而舉之有賢孝焉有貞烈焉有苦節焉而坤
德備矣若夫頌椒詠絮之才織錦針神之巧于
風教之權不屬概從刊落蓋其慎也志列女第

宋

章世穆妻王氏

世穆為郇國公文簡得象後自其父倉部員外象孫由福建之浦城遷居

邑南覽川世穆與弟世慶素友愛二人初未有嗣世穆抱堂兄世善子翊育之未幾自生一子詔世

慶曰兄既有子盍以所抱堂兄子與我兄以告其妻王氏時猶在蓐曰未得子而抱之甫得子而棄

之人其謂我何且新生那可保也世慶請不已王氏曰不得已寧以我新生子與之世慶不敢當王

氏卒與焉後翊詔皆成立翊官徽州婺源簿詔官倉部員外翊二子曰樵樵詔一子曰樵樵子曰鑑

鑄五人皆相繼登第遂為名族媼睦之報如此

孝婦盛氏

縣民章欽子婦事舅姑恭謹躬紡績烹飪以養欽妻何氏性急盛氏怡聲下氣伺顏

色終日侍立無惰容處娣姒敬順和睦亦皆化之姑病貧無醫藥且乞甘旨盛氏鬻簪釵濡共費

姑病劇盛氏聞人言病者舖人肝則愈乃閉閣援刀剗脅取肝為常膳以進長姒潘氏亦剗股焉姑

食而愈時政和六年七月權知州事轉運使劉旣濟上其事詔旌表門閭

按潛說友據國史乾道淳祐兩志修此傳止云章欽子婦嘉靖縣志乃云邑之永豐鄉人章瓊妻必

有所據不可考矣

明

孝惠皇太后邵氏

憲宗妃興獻王母也父邵林邑十都人以軍役寓杭城之報恩里母

楊氏夢鳳鳥儀庭而生后幼知書有容色年十四聘者七人皆死最後許一指揮已上馬來迎墜而

死林充漕卒携后至京師天順庚辰選入掖庭居外院未得進一夕月下自詠所製紅葉詩憲宗過

聞之大喜遂召幸成化十二年冊為宸妃生興王祐杭岐王祐榆雍王祐標二十三年進貴妃興王

之國后不得行興王作思親詩上后后答之及世宗入繼大統太后老目青喜其孫為帝撫世宗自頂至踵乃推本所生越舊制進稱皇太后嘉靖元年三月壬戌頒詔曰自古帝王以孝治天下尊親之禮其來遠矣朕祖母邵氏聖善慈仁靜專明哲克事憲祖贊理內政燕禱兆祥澤降啓祐濬發慶源若斯之遠而徽號未加朕甚恚焉其尊稱曰壽安皇太后大赦乃封太后弟昌化伯大為林治墳西湖十一月太后崩卜葬椽子嶺世宗欲祔葬茂陵下廷臣集議禮部尚書毛澄等知上意所在不敢爭楊廷和言宋寧宗欲祔孝宗于裕思諸陵朱熹以為祖陵不敢數興工作驚神靈今祔壽安于茂陵不幾驚憲祖靈乎如原議便上猶豫未決後用工部侍郎賈詠奏卒合葬茂陵明年上尊諡曰孝惠康肅溫仁懿順協天佑聖太皇太后別祀奉慈殿尋遷主陵廟改稱皇后太后嘗曰女子入宮無生人樂飲食起居皆不得自如如幽繫然後選女入宮母下江南此我留大恩于江南女子者也江南人家亦幸無以丐恩澤送女子入宮當時皆以為良言太后在宮闈五十餘年莊順自持不私其家每戒諸弟侄曰吾家起行伍賴祖宗積德荷國恩至此汝輩當抑慎保身毋負國恩其哲懿如此

按彤史拾遺記又云后幼鬻於杭鎮守太監太監愛其慧為授書讀唐詩詩餘數千首稍長有容色知禮太監攜還京會中宮選掌禮嬪妃應選

國朝

章桔妾王氏

冀州人桔仕順天時所納桔故後遭家變挈子金榜翼聖由九都之朱浪村避

遷縣東學官前居焉緣桔清介無所遺至貧無以自給家傳有玉盃二金榜請曰售此作本可貿易以供母也王氏即舉盃擲碎責曰父死不思振厥書香甘為逐末微行吾無望矣金榜懼遂率弟發

奮讀書並有聲庠序後嗣世守遺訓自是書香勿替雍正五年觀風整俗使王公國棟巡按至昌閱昌志嘉其賢給扁特旌其門

姚舜孚妻王氏

自幼貞淑溫慎長適姚門相夫遊庠教子豫以義方侍姑寢疾湯藥勿治

氏密封左股和羹以進疾愈夫患背疾彌年弗痊氏復封右股和羹以進疾亦愈後值母病劇氏憂慮不知所為禱于神旋以刀剗取脇肉食母傷重血流仆地賴扶救得活母病亦為稍延及母亡氏抱棺痛哭哀慕迫切相繼亦歿

右賢孝

宋

趙昂發妻雍氏

昂發判池州攝州事元兵薄城謂雍氏曰城將破吾守臣不當去汝先出

走雍氏曰君為忠臣我獨不能為忠臣婦乎昂發曰此豈婦人女子所能也雍氏曰吾請先死昂發止之明日散其家資于戚族悉遣之去乃同昂發縊于從容堂初縊時雍氏見左右失序請更之復縊乃死贈順義夫人

明

孝貞女楊氏

名僊姑邑南金山鄉楊繼元女也性至孝嫻孝經列女傳繼元年暮無子除夕

撫女泣曰余年已耄未獲後嗣顧爾父則已矣如先人何僊姑毅然起答曰女豈不可為男耶願終身不字以承父祧可乎即誓不適人抱侄世華為嗣侍養二親曲體無違喪葬如禮族黨咸推閭閻僅見年八十而卒邑令涂以貞孝流芳額旌之

烈女童氏

邑南五都童洪女也幼許字姚學博集子池為妻池聰慧絕世早年遊泮未及娶而

亡童聞欲往成喪執婦禮父母禁勿許未幾有他姓謀聘者父憫其年少且未適姚意可之童方力紅樓上詰婢知情躍窗死父哭喪明後從夫家請合葬于烏龍坑山申詳各院旌獎焉

國朝

翁善妻陳氏

夫素貧拙奉之怡然順治四年兵至氏被執利刃威之竟日不從斫身數段死

陳錦妻翁氏

居邑之喉頭順治四年被兵所執氏抱堂柱不就辱兵斫其臂幾絕旋挾之往

至石橋
躍水死

陳大忠妻章氏

家嶺下亦遇兵被執不受汚行二十里過頰口橋赴水死

章時聘妻王氏

以兵避入壺瓶山岡尋為所搜獲堅避不從兵怒露刃叱氏氏即引頸受

刃而死

章邦球妻王氏

邦球病亡孤兒纔數月氏初猶抱之乳哀慟如常已度家貧不能終志從

容視夫殯畢入室
自經死年二十一

貞女方氏

覽川方穎道女許字童光瑯未聘而光瑯病亡許至誓不獨生往童成喪執婦禮擇

侄承祧哭泣三載竟以憂疾死合葬
大坪事聞馬學使豫旌曰完璞奇貞

貞女王氏

國學生王誥女許字堪村姚曰智為妻未聘而曰智病卒聞許悲病幾絕後惟坐臥

一樓逾歲誥憐其年僅十八將他字女覺急出金環吞之不死復暗囑婢買砒服為祖母所窺搜出又不得死乃絕
飲食淡旬而歿

右貞烈

明

葉曷妻許氏年十六于歸曷病篤氏籲天祈代及剖股營救曷死年二十三家貧無嗣力紡績以終其身

壽躋九十

陳愛猷妻朱氏愛猷疾危氏年十六剖股療之愈越三載尋卒遺子鳳威尚幼撫之泣曰

今不即從夫地下者以有若故也卒茹苦訓課及長補弟子員娶邑紳戴乾女為媳鳳威早逝氏益哀慟連日不食幾斃或勸以媳戴方娠盍俟焉果生男桓遂勵志與婦同守孤室艱難撫育陳氏僅存如綫後咸以壽終嘉靖三十四年令曾彬申請旌獎隆慶六年巡撫谷以一門雙節表之

許鶯妻陳氏年十八鶯亡遺腹一女氏貧苦誓守始終不渝隆慶間巡撫谷賜布粟給扁萬曆七年巡按王旌給如前八十九以令節終

如

程洪妻沈氏生子萬里甫閏月洪亡時年十九號踊幾絕既抱其子泣曰吾死易易耳汝為

程氏後何依遂啣哀勵志以苦守終隆慶四年縣令周易申請巡撫谷賜扁給布粟優免

戴璪妻楊氏年二十璪歿生子方九月矢志苦守即至戚亦不見其面事度姑以篤孝稱課

子游庠隆慶四年巡撫王復旌給之給扁萬曆中巡撫王復旌給之

童學詩妻畢氏年十六歸童甫一歲而寡孝事兩姑課遺子卓立人稱女中丈夫郡判關

表其間

章樾妻陳氏適樾未一歲而寡遺子在腹苦節自守歿年七十一府縣嘉獎

帥尚志妻周氏年十五歸尚志甫二載而夫歿時嘉靖四十五年也孀居苦節歷四十餘

年縣令旌獎

許澤妻舒氏早寡截髮誓志力女紅以事其姑撫育二子成人辛苦迄五十餘年而歿

徐仲仁妻翁氏 仲仁蚤夭氏年二十一誓志不再適已而公姑相繼歿氏依祖姑姚同寢

食擇繼子訓以義方孀居五十餘載鄉人稱之無間言申詳旌表

胡廷珍妻程氏 生一子年二十一夫歿守志子亦繼歿遺孫未週育訓勤苦清節彌堅邑

令康萬有 覈實旌獎

戴經紱妻王氏 年十九孀居姑老無子孝養克謹邑令王申表其間

姚第妻陳氏 甫婚半載第亡誓不二志終日杜門雖近屬私親罕覩其面年九十六終奉例

旌 嘉

朱朝賢妻方氏 早寡訓子一章遊庠家貧躬緝繼以自給族稱苦節申請旌表

葉雲英妻胡氏 雲英早死氏年十八即以死誓奉九旬邁姑孝譽無間奉例旌表

黃校妻朱氏 年十九校亡寡居五十一載以貞操著於鄉按院旌表歲給衣帛

帥尚爵妻余氏 夫早亡苦志六十七年志行無玷邑令王申請旌表

帥尚友妻許氏 年二十而寡克終苦節邑令旌表

王文奎妻章氏 年十六適文奎行執婦道惟謹未幾文奎病卒氏哀毀誓守奉姑以孝聞

課二子入泮 奉例申獎

姚漑妻王氏 年十七適漑二十一漑亡居窮無子苦節自持

王上輿妻童氏 苦節五十餘載歷奉旌表

葉祈春妻陳氏 名娥姑寧州同知陳紹女也年二十一而祈春歿無子苦守歷六十餘年

置田入祠以奉 夫祀鄉黨稱賢

國朝

姚正宿妻陳氏

年二十三正宿病亡子女俱在襁褓氏勵志撫育婚嫁子之夔早年入泮

氏日夜勤緝洗鬻簪珥資之學以故之夔得益與郡名士大夫游有聲譽邑令顧謙服以聞學使者

劉鱗長
旌之

陳德元妻姚氏

名臺性貞淑年二十孀居勤紡績奉舅姑孝謹既歿遺產悉專之夫兄氏

資給待舉終夫兄之身並不求析亦無所忤遇妯娌敬以愛平時言動中禮法家人嚴憚之撫教遺孤典克砥文行補邑學生晚課諸孫尤篤次日秉謙以英年成名進士壽七十一順治十二年奉部

採旌有司以聞三院表之

許志獻妻章氏

年十六適許未一週夫亡父命改嫁不從身嘗佩刀自誓血撫螟蛉為嗣

砥節六十餘年奉翁百齡事姑四繼俱極誠敬教子及孫卓有義方宗黨稱其賢孝奉憲旌表

姚正經繼妻方氏

正經堪村人前妻周氏子曰選遷方氏子曰廷達巡氏慈前子甚於

已出正經逝氏周旋家庭間備極茶苦居恒寡言笑足不踰閫闕晝夜操作教子嚴慈相濟游庠者

三諸孫九賓九穗等並食餼有聲行年八十

陳縉妻王氏

伉儷甫數月縉亡氏貞守六十餘年勤勞撫訓遺腹讓克家允諧以孝後孫宗

明筮仕蜀江從調征寇著功川東蒙獎以為淑節之詒慶

余懋仕妻方氏

先年賊崇擒仕奔紮時子尚弱幼氏冒死赴救脫夫賊穴歸未幾仕亡氏

淑慎撫三子成立長庠次序克諧孝友賡能力學稱氏母儀之淑云

胡邦望妻姚氏

守節事姑擇嗣承祧不替先業連葬三代遺骸

熊桓妻王氏

桓習儒蚤世氏苦節自守無遺腹超成人紹業

王三台妻葉氏

三台早歿無子守節始終不渝輸產建宗祠立祭祀燈油等田以為培植

書香春秋祭奠之資

呂堪妻程氏

守節四十餘載

孫世良妻余氏

國初寇擾世良協眾偵緝地方被兵死氏年二十姑欲嫁之氏以姑邁

子幼誓志死守苦節四十九載以壽終

方起鳳妻戴氏

于歸一載而起鳳被兵死生子未逾月家貧力操作以奉舅姑撫孤成立

守節五十載

童衢妻鄭氏

孝事舅姑守節五十餘載撫養淳成歲貢生養灝等俱游庠歷奉旌獎

章世善妻陳氏

世善亡氏年二十五值翁繼歿時內外搖奪氏矢志彌堅初失歡于姑婉

順承之終得其喪曲姑病割股以救署邑令倪士鈴旌之

程元衢妻徐氏

幼割股以瘳親疾及歸元衢適遘疾亦割股救之元衢亡氏年二十四兩

子翼翥俱幼撫之成立以孝友聞于時邑令沈鶴瑞詳請題旌

章堦妻童氏

安貧苦節篤撫三子成立謹事舅姑能得其歡心為舅姑所敬禮魏郡守定國

獎勵之邑令沈鶴瑞詳請題旌

方國甲妻汪氏

國甲亡氏年二十八翁姑年邁家貧

教遺腹子之範明經積學有名于時守節六十一載甬江仇少宰兆鰲題其廬曰仇烈重光邑令羅

緒詳請題旌

汪家璉妻程氏 年二十六而家璉病歿守節四十餘載孝事舅姑撫孤蓊敦品力學為諸

生邑令羅緒 詳請題旌

徐滋秀妻汪氏 年二十而滋秀亡色養舅姑遺孤甫十月撫之有成守節四十一年邑令

羅緒詳請題旌

葉國葵妻楊氏 一十五而寡奉姑撫子營葬三代苦節二十八載邑令甘明夔詳請題旌

楊剛中繼妻姚氏 剛中卒氏慟哭幾絕既念夫有祖在年且耄而前配子亦尚幼因勉

起終養耄祖事之盡禮撫三子錫祚錫祺錫福皆策名庠序教以姻睦任卹三黨皆蒙其利邑令王

級詳請題旌

胡學光妻章氏 年十九而寡撫侄承祧終養翁姑守節四十四年邑令王級詳請題旌

潘深繼妻程氏 孝事邁翁嫁前配女撫叔子慈愛如己子邑令王級詳請題旌

余人斐妻謝氏 年二十五夫亡家貧紡績以撫二子守節四十四載邑令王級詳請題旌

徐廷球妻葉氏 年二十六廷球卒撫一月遺孤迄於成立備極荼苦邑令王級詳請題旌

童俊妻姚氏 年十五適俊二十八俊歿矢志守節白首無虧邑令王級詳請題旌

徐廷瑋繼妻胡氏 撫遺孤永濤游庠時稱賢淑邑令王級詳請題旌

徐士璧妻鄭氏 遺孤一週撫之成立不以家貧自墮其志邑令王級詳請題旌

姚廷獻妻阮氏 教子承緜成名以賢聲聞於鄉黨署令朱必圻詳請題旌

余鎮繼妻王氏 年十六適庠生余鎮二十四鎮亡遺孤源止一歲前配子泃尚幼氏撫育

成人教以義方並皆入泮名貢太學邑令羅朝彥詳請題旌

萬士毅妻何氏 終事舅姑撫子國壘策名成均邑令羅朝彥詳請題旌

陳士簡妻王氏 年十五適士簡未幾士簡隨歿遺孤有慶撫訓成名終養翁姑以孝稱守節四十餘年邑令羅朝彥詳請題旌

呂瑛繼妻章氏 無嗣守節營葬先骸立田為祀墓費邑令羅朝彥詳請題旌

邵振聲妻王氏 年二十六而寡守節四十餘年二子相繼早歿撫育兩孫艱辛備嘗邑令孫碩膚詳請題旌

童衷純妻張氏 衷純亡氏年僅二十三孝養舅姑撫育遺腹子兆周名貢太學守節三十餘載邑令孫碩膚詳請題旌

徐嘉祚妻孫氏 家貧賴紡績以供舅姑撫孤子時稱難能邑令甘文蔚詳請題旌

胡浩御妻許氏 年十九而寡孝奉翁姑遺孤國棟未及一週撫之游庠邑令甘文蔚詳請題旌

程弘毅妻余氏 弘毅亡氏年二十五生子僅一月矢志撫孤毀容見志邑令涂公銓旌之

余若奇妻童氏 年十九若奇歿生子方數月家貧或勸之他適氏即刺面以絕之撫孤成立

何士輔妻黃氏 士輔臥疾一載氏侍湯藥終無倦容及卒撫子成人備極苦楚

余觀祖妻黃氏 家貧無嗣食力膳始最稱苦節

徐待紳妻余氏 截髮矢志晚節彌堅

胡銚妻帥氏 年十八歸銚逾年銚赴省應童子試得疾歸遽亡氏哀號不已頓絕不可支翁

立

旌題

旌題

旌題

旌題

勸之不能止姑姚識詩書乃引古列女之知大義者反覆開曉氏漸悟曰誠若此是重翁姑憂矣自是舍哀事翁姑愈謹務獲其歡心偶歸寧兄弟憫其少欲令轉適微以言試之氏不答即日還家不再往伴姑坐臥一室中日夜事女紅勿輟足跡不下樓雖親子侄勿面也家頗饒自翁歿喪葬盡禮且撫侄入繼生業遂日促氏操作益勤必使姑膳無缺姑患脾泄夜溺糞率十數起氏伴姑宿扶掖措拭亦十數起晝則奉湯藥滌溺器若此者數年不以寒暑間姑不自安因族子婦就榻省疾宣言此事至泣下姑壽逾八旬而歿氏一慟氣絕踰時力救始甦喪殯如翁歿晚景益茶苦猶自賴十指覓活年六十六卒

王三陽妻童氏

年十六適三陽甫一年而三陽歿目女則願以身殉目乃瞑矢節堅貞終身不食言

葉日達妻姚氏

年二十四達亡時長子甫週歲次子笑不苟學使馬豫以荻訓有成旌之

王元妻陳氏

元形短小而病哮家極貧氏忍飢寒勤操作小心調護無怨嘆聲元故氏頓顙

王必振妻章氏

乞棺以殮時年二十五姑促之轉醮答曰姑在將誰依及姑歿百計營葬畢遂閉門絕粒以死歸必振三載生一子甫二歲而必振卒氏年二十三孝養舅姑鞠子成立

畢銛妻胡氏

勤謹自守苦節三十七年銛故守節五十餘年

王中天妻方氏

年二十而中天亡刻苦自勵年七十而逝

王好明妻許氏

姑邁子幼家貧全資紡績以膳姑撫子守節四十載

王宮鰲妻章氏 家貧藉刺繡以供舅姑姑病割股療之年垂老而刻苦如初

鄭起潮妻潘氏 年十九歸起潮越二年而起潮亡事舅姑至孝立嗣子克建教之游庠

孫愈勉妻畢氏 家貧茹茶飲藥撫遺腹子成立守節六十餘年

潘仕瓚妻凌氏 年二十而仕瓚歿事祖姑舅姑皆以孝謹聞生子正儀方匝月撫訓兼至

名列國學守節三十餘年

潘墀妻何氏 事舅姑孝族人棺骸暴露者悉代理瘞守節四十二載

章壇妾劉氏 山西汾州府孝義縣人壇卒于任時氏年十九生子銓僅二齡扶櫬歸里矢志

苦節訓銓游庠卒年四十有五

姚起妻余氏 庠生余夔女夔與起父庠生姚瑄故素交夔遇難避居其家之望月樓瑄待之

益厚夔因以女許配瑄子起既而瑄家中落生計日窘心疑夔之必渝前盟也不議娶者數載夔日望月樓之約可負乎聞起母疾即日遣送成婚奉姑湯藥未幾瑄夫婦繼歿家益貧窶起遠出傭工氏勤紡績以自給越四載年二十四起又死于外喪歸憑棺一慟幾絕時遺孤僅三齡勉力撫育操作一室中目不窺戶日不能常得食率并日而炊族尊長憫其荼苦微諷之轉適氏謝弗許或勸令至其家伴女針刺以便就食亦勿許宛轉忍餓足跡卒不出戶外年四十七孤已長成可覓活氏竟自餓死死之日男婦聚觀見室中蕭然如洗惟斷磚數塊支一甑炊爨而已亦無牀褥室之隅以稻草敷地作臥具方死端坐草上無欹側狀踰時不仆見者皆咨嗟感嘆而去至有出涕者

陳浩妻江氏 年二十八浩亡終事舅姑撫子大椿入學常居一室中足跡不踰閫外惟賴卜

指為活邑令紀逮宜旌之

王右臣妻潘氏 家徒壁立苦守撫子二十

張厚妻汪氏 年十九歸厚越六載厚故家極貧奉姑撫子備竭勤劬卒年八十有六

胡其延繼妻姜氏 孝事孀姑撫鞠前配子光潤入泮光潤早世遺孫甫週歲訓育備至

朝夕惟紡績織紅易薪米以度日苦節鄉黨稱難

章光遠妻姚氏 家赤貧光遠歿氏年十八誓志苦守孝事孀姑勤撫幼子受盡艱辛後以

壽終

余孟賢妻陳氏 家極貧氏年二十五孟賢故叔逼之轉嫁氏刺面毀容誓以死守紡績自

給獨力營葬舅姑卒年八十有五奉憲旌獎

胡光旭妻孫氏 光旭家貧窶傭工歿于温郡氏年十二盡典衣飾昇夫屍歸葬先壟勤

織紡以事邁舅無違色撫幼孤成人全貞四十餘載

胡希雲妻徐氏 孝養翁姑鞠撫幼子居常躬親樵採取野菜度日苦節五十餘年

胡廷琰妻陳氏 廷琰病奉湯藥無倦廷琰歿絕粒七日姑以遺孤失所諄諄勸勉乃強接

飲食姑患疽氏咀膿敷藥不假寐者數月教子潔力學敦行有聲人稱節孝無媿云

潘元堯妻胡氏 家貧刻苦撫子成立卒年八十有一

汪家正妻徐氏 生子甫三歲撫育婚配守節三十餘年

湯尚英妻童氏 甘淡泊勤操作事孀姑孝養無違族黨共稱

王必範妻姚氏 事姑甚孝謹姑疾割股療之撫子將成而亡又撫孤孫先祀賴以勿斬

王守成繼妻陳氏 守成病籲天祈代既亡立侄為嗣奉舅姑無缺禮焉

帥渭妻何氏

守節四十餘年茹苦撫孤以節壽終司諭車朝儀旌獎之

章華表妻帥氏

年二十二而華表歿終事舅姑立嗣延後深居操作人罕見其面素以賢

稱淑

戴大灝妻徐氏

年十九大灝故生子歲未週撫訓成立百苦徧嘗守節三十餘載

趙志暹妻胡氏

志暹歿氏年二十六守節四十一載家貧如洗紡績度口常茹野菜以療

飢刻意鞠子成人爲之婚配人以爲難

許曰斌妻陳氏

年二十八斌故終事舅姑喪葬盡禮撫孤成立不幸早死復爲序繼以續

男嗣竭力撐搆有禦侮功

余玥妻章氏

年二十六玥故終養嫡度兩姑撫孤攀桂教之游庠食餼以紹祖父書香至謹

事繼母善承父志賢聲早著

陳丹穎妻鄭氏

撫子天行遊庠早卒偕媳王氏撫孫成立長孫廷槐克以明經世其家學

余乃成妻方氏

夫故氏年僅二十二立志堅貞苦守五十載如一日

喻秉國妻童氏

二十四而寡家貧藉紡績以養翁姑撫孤成家生父無嗣亦氏迎養終老

焉鄉黨至今稱爲苦節

陳文炳妻許氏

文炳早亡氏無出父母欲嫁之氏誓死不從時翁在堂而姑已故氏乃盡

出奩資爲翁娶繼姑明年繼姑舉一叔而翁旋歿氏與繼姑撫之成立婚配初產一侄卽以爲已子

鞠之以延夫脈守節垂三十載人多其行邑令王元音現請題旌

程名松妻胡氏

名松病篤氏割股救之名松歿篤志撫子成人

右苦節

昌化縣志卷十六

昌化縣志卷之十七

方外

今有人捐棄俗累蟬蛻泥滓發堅牢之願具精
進之力欲其母超凡而證果也得乎昌化巖壑
崇深往往多人跡所不到之境清修苦行者恒
樂褰裳而往聖跡未湮法雲長護有不難僂指
而數者焉志方外第三十

梁

寶掌

中印度人受生時左手握拳七歲祝髮乃展因
名寶掌魏晉間東遊此土謂衆曰吾有願住世

千歲今年六百二十有六故以千歲稱之會達磨入梁師就扣開悟遂入浙首憩龍唐回互峯之東至今稱此峯曰寶掌復由千頃穿雁蕩棲石竇有行盡支那四百州此中偏稱道人游之句

唐

臙胝

縣西玉山鄉人章姓真童學佛永泰中忽于舍前溪南塾上乘雲騰空而去憩於潛廣覺寺後至徑山禮國一禪師欽欽云神告我長安佛法有難盍往救之胝云乞師度為沙彌乃可欽云汝有何能答云我誦臙胝觀音咒功力無比欽指座後石屏令叱之屏裂為三欽為落髮授衣示各崇惠至長安章敬寺與術士角法勝之代宗賜紫方袍辭未具戒帝命開壇納戒方羯磨間忽隱身莫知所之時以為觀音現賜號性空大禪師大曆二年來歸舍宅為寺後人名其始乘雲處為起雲墩於潛所憩寺為落雲寺所叱石為喝石巖臙胝釋以華文為平等道心四字

黃蘗

閩人也幼于本州黃蘗出家額間隆起如珠儻不羈人莫輕測後參百丈了明心地嘗遊新安太守裴休執弟子禮甚恭隨入唐山大明謁鹽官國師勅刹千頃闡法揚化四方衲侶從者甚眾屬裴休鎮宛陵請師出山大中末年卒諡斷際希運禪師

楚南

福州人姓張氏髫齡出家初參芙蓉蓉曰吾非汝師汝師江表黃蘗也遂辭往謁值武宗下沙汰令乃竄入唐山住千頃著傳燈錄昭宗聞其道化就賜紫衣示寂塔於院之西隅大順二年宣州寇發塔見全身儼然爪髮俱長拜謝而去

文喜

嘉禾人姓朱開成間進具初習四分律兼講法為典座一日見文殊跨獅子緣甃側呵曰文殊自文殊文喜自文喜遂掌之文殊湧空曰吾修行三大劫顧為老僧嫌耶因去不復見喜後當咸通中旋浙因入龍唐將止之曰此地五百年後有肉身

菩薩於此建大法幢遂移杖千頃山築室居焉光
啟二年錢武肅王請住餘杭慈光院奏賜紫衣光
化二年移住無著
院因號無著禪師

宋

明瞻

於潛人姓徐氏幼而定慧喜跌坐莊嚴端靜具
大人相噉以腥肉唾不食出家西菩寺隨來昌
化忻平後入龍唐憩一小石龕內度宗咸淳四年
后患乳癰詔能治者賞不次瞻往以鐵鑑臍洞知
病源隨將玉盂盛水楊枝灑之覺清冷沁骨立瘥
帝大悅封七祖大師賜金織衣一襲帝問瞻何所
願瞻曰某世外人無願也但乞得龍唐一袈裟地
以安禪衆受賜多矣詔許之遣送還山瞻卽于山
前解袈裟向空遙擲如彩雲搖曳覆蓋四十五里
隨豎旛焉七年復贈大法禪師并顯化圖像讚入
年五月錢塘江婆龍作浪湧灌城居度宗仰天祈
禱忽祥雲四布見瞻從空中下舉鉢盛龍而去害

除加授廣應妙濟至仁大德祖師至元末
終弟子梵淳等奉全身塔于羅漢洞之右

何仙姑

縣南覽村人早孤貧年三十不字採樵自給
見山間桃實如杯大取啖之自是不飢元祐

中邑令鄭旁賑荒姑混入稠衆就視人爭異之遂
遁涉雙溪忽雲霧覆之不見觀者駭愕令上其事
立廟于七
都比塢

國朝

淨柱

漳州龍溪人姓陳氏幼業儒頗穎慧好遊梵刹
及總角習舉業聞雞鳴而起幡然有覺時二親

已逝潛入羅浮晚憩蘭若閱雲棲七筆勾遂裂縫
爲衲剪髮徒跣參訪諸善知識尋挂錫衡山往參
覺浪和尚後參方和尚于寶壽丁亥春辭游嵩少
輯諸祖行實已丑禹航諸紳請主寶壽辛卯春邑
令李之蕢請主龍唐時龍唐以兵燹灰燼之餘柱
入院破屋頽垣風吹日炙僧徒百衆叅請無虛日

柱曰此唐昌福山也汝其以法自愛尋募新院宇
開期結制祖刹重光後應請天花仍歸龍唐順治
十一年跌
坐而寂

梅道者

不知何許人身昂七尺餘豐頤美髯崇正末
挂錫七都之宗古菴善飲酒喜詩畫每與酣
懸筆疾書識者謂得蔡中郎飛白意潑墨爲圖多
松石古梅意象瀟灑皆自爲寫照出語類古奧奇
崛劖削峭刻咄咄逼人幅尾或書梅道者或注石
城刃及舟人與八十老翁梅人竟莫能測其姓氏
輒以梅和尚呼之菴前池上設琴牀石磴當風清
月朗時有佳客至卽臨池鼓之動弦撫操池魚發
發然仰沫出聽菴側灌木陵嶒多野雉聞道者梵
唄聲飛翔集階下若素馴者嘗有人自遠來道者
一見卽屏去弟子弟子意其爲異人乃舐窗隙紙
窺之見其相與長跪涕泗逾時已語刺刺不休尋
忽撫掌大笑掉臂竟去一日呼弟子曰老僧數
十年一重公案今日當爲汝等舉明擲塵而逝

名宦

宦於昌者美政自錢卞而後雖更僕不能數矣
吾於此見民俗之厚也興廢舉墜必書除殘去
虐必書固已至若悃悞無華之長吏誘掖不倦
之師儒一事之善志之勿諉一節之美錄之恐
後召父杜母之休風藹然日在人耳目間傳循
吏者惡得而忽也志名宦第四十

宋

錢

冰

宣和中令多政績重
建縣治置雙溪館

黃壽 紹興初為令有文

卞園 泰州人乾道間令

劉七修 紹興中為令嘗開灣水潭石路以便往來邑人太學生孫布為記

錢孜 嘉禾人淳熙四年令興學校振士習自是人

冰卞園齊名元凌緯唐山紀事有美政思錢卞之句

周堪 紹興慶元間為令嘗鑿井建慈濟院以便行者邑人給事章鑑為記

草伯奮 永嘉人嘉泰開禧間令有殊政初養濟院置田五十畝作雙溪新亭聞境內虎患公默禱

于神虎渡水去民建渡虎坊以彰異焉

趙希暨 紹定中為令仁厚愛民時徵楮漆為民患甚公劄論土磽民瘠詞極愷切遂罷徵累官端

明殿學士

徐聞詩 淳祐中為令嘗置郵立堠遺蹟猶存

葉采 建安人淳祐中為令師子朱子門人李方子在官集解近思錄刻於學以廣其傳

帥寶 字仲珍江南濠州人咸淳中由上舍登博學宏詞科初授鹽官丞以清廉著擢昌化縣令

下車日擊民稀招納流亡勸農桑課士子民襁負歸耕公撫之以寬聽訟必以情民甚德之或問居

官何術公曰無術但公此心如虛堂懸鏡耳時治為諸縣最後卒于官民德之值江北多兵氛因留殞焉二子端靖

遂家世于昌

劉宗憲 景定中為令縣境內屢產嘉禾嘉粟瑞麥公取登獻于朝及于縣治建三瑞堂

李長孺 咸淳中為令建清白堂

程 珙 休寧人慶元中邑簿嘉定間為常平使行邑置養濟院田

曹 涇 字清甫休寧人由進士為邑簿德祐間以文學名

陳 錫 為主簿有文學嘗為擒虎行曲盡憂民之意

元

愛祖丁 大德初為達魯花赤初至元間徽寇犯邑官舍民居多燬公至多所興舉建縣治創講樓

邑里乃復舊概

義德寧國禮 延祐間為縣達魯花赤作士勸農政教兼舉建義倉增學廩百廢以興稱為才

令

董搏霄 字孟起磁州人由監生辟掾西臺有智畧善觀天象至正十一年由浙東宣慰副使除濟

寧路總管時饒州紅巾賊由徽陷杭公謂宜急攻之遂進兵杭城七戰破賊復杭州他日賊復至昱嶺闕陷昌化於潛行省假公叅知政事公曰必欲除殘去暴所不敢辭若假以重爵則不敢受即日引兵至臨安新溪先據賊入杭路進兵克復於潛昌化寨守昱嶺他賊復自千秋關寇於潛公還兵擊走之復千秋關昔附祀于邑之三賢堂後廢汪氏建亭昱嶺刻石表之

齊光祖 字起宗大都路大興縣人至正丙申以紹興路錄事為縣尹時四境有兵公乃糾民共為

圖保計邑賴以安後苗軍至邑築城獷悍可畏每有需索于民公力拒之時稱剛果

章 沅 一名元佐字舜臣本縣人至正丁酉間為尹授承直郎又以守禦有功丞相達識貼睦邇

承制授浙東宣慰司經歷仍領昌化尹事公蒞事日久招來撫諭民皆德之

趙承宣 字元臣臨安人天性鯁介至正末兵興上弭盜安民十策於參政董孟起辟為昌化學諭

肅規訓勤教督後
擢崇德州同知

沈兼善 字達卿崇德人有文學名至正八年任昌化主簿蒞事明敏叅政董搏霄敗斬黃寇於昱

嶺關公多協贊焉寇平
撫安有道民深德之

明

李質 洪武元年任知縣重建官署

劉傑 安福人由貢入胄監成化十四年為令清慎有聲

王拯 東莞人舉人成化十九年授昌化令時以廉稱

范鏞 字鳴遠陝西鞏昌人弘治癸丑進士由御史擢浙江按察司僉事弘治甲子分巡浙西昌

民訛言凶歉吏俞東明等構黨倡亂假稱貸為劫掠其親某死罪獄繫東明乘亂怵令王謙釋之不

從乃登譙樓鳴鼓譟曰民盡反矣令與典史李弁莫能制竟出獄囚克焰日益熾獨附郭戴鑑銜銓

兄弟結眾為禦公聞兼程至於謂於令稽康曰機不可緩吾欲得良吏傳檄先往開脅從者以自新

孰能任此慷慨然請行乃先聲國威喻公德意于是脅從者多感悟匍伏請死于境外公飭兵繼至

擒桀魁數人餘黨潰竄兵不血刃而禍難遄靖廕世孫德伏任直隸縣丞入籍昌化居洪嶺范村

國朝奉范督撫檄祀鄉賢祠

白叅政 不知名常州人時杭郡飢而昌化為甚公檄邑令出穀賑之邑吏沈江受賂罔令籍飢者

姓名類皆冒妄而飢者弗賑孱盈郊野邑耆戴銜懇言吏弊於白公公按籍核弊始得真飢者賑活

之立杖江死
特疏劾令去

黃昇 號與竹番禺人舉鄉試由肥鄉學擢邑令廉慎誠慤一介弗取興學校恤窮獨其政悶悶

民安之嘗六月祈雨芒履出禱入則焚香私第長
跽密禱三禱三雨邑中虎為民害公惻然文禱于
神虎去民
甚思之

朱 轡 福建晉江人弘治十二年由官生知昌
化縣廉謹誠篤性剛介不為權勢所撓

李 洪 德興人舉孝廉初任湯溪弘治十八年調昌
化廉敏公慎受知上官他邑事多所委任攝

餘杭數月以勝安倉勞劇致疾總理淮浙都御史
委掣淮鹽不能赴疾甚囊澁稱貸以歸民歌謠之

李一寧 上饒人由監生正德六年
為令慈良簡易陞漳州判

夏 津 崑山人舉鄉試嘉靖十一年為令
質樸有禮抑強扶弱柔而能剛

李 燧 保定府新城人由監生擢任嚴毅
廉謹有吏能蒞邑數月庶事整肅

方 鉉 鉛山人由監生授崑山丞擢零陵令改昌化
寬厚質實巨室有犯輒懲之無所顧忌事多

節省而飭治學宮意獨
拳拳後陞昆陽知州

馬逢伯 號龍津六合人舉鄉試嘉靖戊戌涖任首葺
文廟建學齋時邑役三倍錢塘公乃懇言上

官蠲二大戶及會江驛庫等役又申除糧儲道例
扣銀并冊書飛洒諸弊歲省糧規數百金時鄭六

毛為盜磔于路公惻然文禱城隍遂獲真盜陶人
治陶者得窖錢數百緡人訟勿究一無所取陳民

瘼最甚者八條于王監察屬編兩浙賦役僉海寧
均徭及定餘杭糧役臺院以賢能薦擢守泰安民

感德政為立
去思碑記

胡 芳 上海人由監生嘉靖間令
昌化敦樸恬靜尤勤勸課

蒙學之 南海人嘉靖間任恤
民養士有古循吏風

華文甫 號西橋無錫人由鄉薦嘉靖中任諳練治體
熟悉民情修學宮築化龍池建敬一亭于三

賢堂之前徙上清宮于尊經閣之左詳革會江驛
就役抵解銀兩費省三分之一除本縣遞送夫馬

委署海寧臨安
二縣循聲大著

周

易

字少東句容人隆慶間以鄉薦知縣事嚴毅
明敏剖發如神立會課諸士又修學宮葺城

舍百廢整頓上官以其廉幹兩委海寧縣民為
之立望來亭累官南寧府欽賜四品服致仕

吳

桐

字高崗淮安東人由歲貢萬曆丙子任昌
惠政可觀淮浦督漕以昌邑耗價後期報罷

方

洵

號惺所桐城人由舉人萬曆八年任清介嚴
毅胥役畏威而里遞樂其寬均田平役民以

不擾

鄭國仕

號韓山澄海人由舉人萬曆甲申冬任易直
慈和秉政勵精立學田察偽印擢普安州知

州昌民
有祠

周洛都

號雲麓臨淮人由舉人萬曆十七年冬任才
識練達剖決如流培養士氣教民桑畜頻年

兌運旗甲索取無藝輒申部院諸司按以法鄰縣
咸籍其庇行條鞭之法令計畝納櫃遣數百年身

克之里甲而盡業之農時亢旱徒步躬禱隨應歲
荒役捐俸救濟申上司發倉大賑建新縣治及諸

城堞并倉庫橋梁
之地圯廢者甚多

王士毅

號健軒山西安邑人萬曆二十
二年任潔已愛民質直無私

岳方

號劔雲四川南充人萬曆二十七年任廉靜
簡直以大理評事出知昌化縣時開礦事擾

民力請上司議將門市額稅永為
規則以作礦息事寢民賴以安

康萬有

字文鳳號壺石福建鎮海人萬曆四十年任
力復條鞭亟除里甲重建衙署及修按察分

司

余猶龍

字毓初廣東順德人由舉人萬曆四十四年

任和易惠民民有細故相爭訟公輒引于前
諭以忿恚可忍當思縣門不可入也訟者感悟悉
罷去每農月課項畝墾種勞來有法訓蠶織俾婦
女毋往廟寺游觀人行善事者親為旌賞賜酒羊
禮以勸勉之數年之內牢獄無囚邑野清靜民嘗
為虎所害公令設檻督捕害遂除篤于造士自學
官弟子而下歲時存問遇之有恩貧者分俸賑給
之初到任有門隸按法當懲以新媾力求解免他
日微誤公復以前事切責之由是吏人畏愛莫忍
為欺檄攝臨於縣事甚著名稱去之日民扶
老攜幼號泣隨送迄今追慕不絕官至知府
顧謙服 字民服崑山人天啓三年任勤守禦課農桑
存活者甚眾清釐浦田百餘畝邑里民曾解公帑
七百餘金抵府為府庫吏朱鸞所蝕守未之察也
藩司嚴檄督縣公抗詞陳守請逮吏嚴訊守恚曰
知縣何不代訊耶公受命請刑具立鞫于府廳傍

即從吏家追獲原帑解還咸服其神有邑人被誣
於紹興郡者公懼為所陷力行闕白得免民誦之
昌民故多假命相訟許公刊示曉諭諄切風遂衰
諸豪猾吏士悉鋤抑判一事如山不可動搖革公
費冗取官舍之內泊如也時誦令治者皆曰前有
余母後有顧父三載秩滿上官賢之令給繇復任
焉後擢馬湖貳守

黃嘉裕

號震宸滇南人選貢由按察司知事代攝縣

省贖錢之罰材幹能敏為上官所嘉

陳光傳

莆田人邑典史練達清慎見重學校後陞主簿

方應鑾

莆田人嘉靖間典史巡捕嚴明無媿贊職

王子清

永豐人萬曆六年任典史和平不擾民懷之

周啟光 萬曆十七年任典史温
和理事小心勤緝優轉

丁鵬 江西豐城人萬曆二十年任
典史恪守奉公毫不擾民

黎紹尹 陝西三水人萬曆二十
三年任典史質直端方

謝教 清陽人萬曆二十九年任典史揮
霍捕務奉委有功陞察車所吏目

官惟 河南光澤人萬曆三十二年
任典史貧民受蠲恤之惠

蔡明英 莆田人萬曆三十八年任典史英姿
挺秀守正不阿力庇堂官寧甘別謫

王文臣 長洲人萬曆四十年任典
史簡練應事奉公守職

王任期 江南興國人萬曆四十二年任
典史捕事犁然改觀衙弊盡革

歐陽杲 寧遠人嘉靖二十三年任
教諭豈弟作人和易酬物

黃伯善 號菊山晉江人嘉靖二十九
年任教諭師模峻整聲溢監司陞舒城令再擢衢州貳守

王瑁 號收春海豐人嘉靖三十五年任
教諭甫至初議改明倫堂于文廟後

王時松 號前峯廬陵人由舉人嘉靖四十
一年任教諭宏抱藹度課會寒暑不輟尋卒

李奎祥 字梅賓貴池人嘉靖四十三年任
教諭課士如子弟首捐俸贄建尊經閣於明倫堂左後

張吉 號永亨壽州人萬曆三年任教諭德性醇謹
敏于課士曾手植桂栢數十株蔚然為文廟

光

周鐸 江西南昌人以舉人任學諭捐修學舍加惠
貧士士有抑枉者力為申釋後擢仙游令終

副使

章允升 號傲偉會稽人舉鄉試萬曆十七年任教諭有文行楊司諫委按各鄉賑濟分授有法餘

悉封還縣庫士人高其風節陞通判

何明輔 淳安人萬曆二十年任教諭秉心正直操行端方

袁志夔 號素菴湖廣江陵人由舉人萬曆二十三年任教諭端方率士嚴杜請託貧生捐助薪水

擢三河令官至同知

鄭永祿 江西玉山人貢士萬曆二十六年任教諭質直謙光協恭僚友

王調元 號和鼎山陰人由舉人萬曆三十四年任教諭秉心開爽課士有方

屈起元 吳江人崇禎十年任教諭公正樂易視諸生恩義並至曾置田及祭器典籍于學宮甫踰

年卒士咸心喪之

楊組 號南坡福建建安人嘉靖四十年任訓導文學優長志行端雅兩署縣事靜約治民地方

輯安

陳棟 號吉山嘉善人萬曆八年任訓導學邃識練襟度坦夷事繼母篤孝

高弘越 號梅墟龍泉人萬曆十一年任訓導止攜一僕澹淡寡交

黃鳴鶴 慈谿人萬曆三十三年任訓導諸生薪水不給常捐周急之惠膠庠舍恩者居半

戴日升 山東蒙城人萬曆三十九年任訓導捐俸創建衙舍助資貧生親弟令餘杭嚴杜請託

徐然 字元明崇德人萬曆四十年任訓導東髮時習聞王龍溪緒論及涖訓講學明倫堂特發

良知秘旨庠士多所開悟令康萬有推其有文清白沙芳軌

韓鼎新 字又銘江都人明季任昌諭姿貌魁岸性磊落落不屑一切瑣細好學問喜飲酒屬文每讀

史置觥几右至古忠臣烈士輒搔首浮白歌呼致
憑弔意勤課士得佳文則以酒加侑之嘗曰士人
生天地間以忠孝立身不幸處時之末流當以成
仁取義為則如侍中文山諸公豈非後學典型乎
值徽郡寇亂躡入官舍苛勒其金帛公曰寒羶耳
何餘物值其室果蕭然欲強繫以去公即自刎死
昌人士憐之請于
上憲崇祀學校焉

國朝

李人龍

字光宸趙之深澤人舉鄉薦順治三年令先
是昌化陷于徽郡以徽人帥應壁行縣事公

初至寄署臨安西墅檄諭昌民曰爾等故稱向順
為一時叛寇脅從第能協心遵化他無所恐由是
士眾趨附卒從上官授降應壁始署事昌化焉時
渠難初殲餘賊猶依據山頂公親率兵壯討捕有
方諸受撫者令各歸農業邑境遂安公之力也其
他政務多所釐舉嘗為民申免寇逋田賦什九未

三載行取禮科給事中
後辛卯科典試浙江

李之蕢

字穎叔盛京大城人由貢監順治六年任廉
謹惠愛視民如子值水災民困親行檢踏多

所詳賑覩學官址誤遂與議
改復如宋制士論至今美之

徐光時

字東白博洽經史百家善屬古文詞順治十
五年任教諭力興古學不喜逢迎在耄齡依

然聰明英妙讀書賦詩與人士精求性命理甘高
蹈作回首青山圖贈詩盈篋而去庠士思之勿諉

徐光旭

字君升常山人由舉人順治十七年任教諭
性霽爽每月搦管躬先課士暇則詩酒進諸

生清談風雅示勸
勉昌庠有二徐稱

徐

獅

字寧子順天大興人以進士調補紹興照磨
順治十三年檄委印務剛介無所撓時彈琴

賦詩吏事不廢後再任江南
布政司照磨擢贛榆知縣

盧毓粹

字含美大名府東明人進士順治十三年任

性仁厚服官一本以慈尤喜作人借學博張
貞侯傳應驥率先月課士具膳饑供筆札以示鼓
舞簡刑勸農民以無訟昌邑向取本山木造屋無
稅例時各蠹勾連關差踵門科屋稅輿馬紛沓包
休徧邑中造屋數十金稅費且倍蕞魚肉民殊酷
公力請于憲勒石永革之民賴以寧庚子分房所
得皆名士令昌十載人頌為盧母後陞工部虞衡
司主事

劉宗向

字次更湖廣沔陽人進士康熙五年任視事
之始首葺明倫堂及譙樓縣治東西廊房諸

廢立舉明果練達以智馭眾士有學行者優以禮
聽斷每示教訓爭許虛誕之辭不得逞一時豪惡
望風遠避曰劉侯在吾母見也其威服如此先是
昌民苦營債月息二逾月日增二歲不啻百倍民
至沒產不能償甚者笞擊辱其妻孥并累其戚里
公以營債歷奉嚴禁其敢為民患者歇保連結之

也遂力杜弊根立究保歇家俾速之去又營丁籍
名採買新茶比年受害公籲詳革絕之及申明賄
博越訟諸令人無不股
慄懼罪者後卒于任

焦

桐

字蔡音陝西鄠縣人進士康熙八年任惻悞
無華不喜為逢迎官牆垂圯者百餘年公蒿

目風氣之散率先捐俸二十金復殫心勸措興築
週垣三百八十餘堵屹然壯觀雖次第告竣更始
首功良
足多云

張貞侯

原名猴字曾元桐鄉人順治丙戌以春秋魁
鄉榜順治十二年任昌庠諭力學造士每月

六課諸生親給膳饑躬擲管作文與會士之尤者
互評校為磨切士風丕振焉尋赴公車道間夢是
科春元張貞而忘其第三字乃更名貞侯及放榜
第一人則張貞生而貞侯亦同登進士後擢陝西
安定令迄今言昌庠
德造必首推公云

傅應驥字良生山陰人順治九年任訓導英敏多才

思蒞學值改建之始首事者轉遷去公毅然

接事迄有成功偕學諭張貞侯鼓舞會課應丁酉

試為司李張徵瑞拔薦中式子丑間庠士聯鑣時

稱回易宮牆之效公之賢勞也

季式祖字孚公泰興人貢士博學工吟咏以錢塘丞

委署昌篆值旱甚視事三日輒步禱浹五旬

辰夕懇至革羨餘不染絲毫詞訟惟温文勸息復

捐俸施藥療貧軫念民艱作禽言以寓意歷四月

受代去昌民瞻戀如失慈母焉

涂銓字湘巖湖廣潛江人庚戌進士康熙十五年

明鄉約躬臨鄉里召諸父老為講說期年公庭寂

如也南屏浮圖者邑巽峯也先是被雷轟其頂因

以漸圯公至即捐一歲俸為倡閱月而告成邑人

建景湘亭于下志其功尤喜誘掖士子每于朔望

日集諸生會課擇其尤佳者付之梓顏曰唐昌月

課文行于世後陞兵部職方司主事終兗州道

錢士鉉號愚谷吳江人進士康熙三十一年任凡鞠

樂從之尤留心地方利弊有所興舉必先事真切

曉諭至再至三蓋不欲遽以法厲民也陞知武定

州在任著有治昌日行錄

林霖培字天一福建侯官人副貢康熙三十四年任

初患疾吏緣為奸及瘳謝絕幕客案牘文移

躬自批閱不輟寒暑時催科以糧里長民賠累甚

公乃申文革去使民自封投櫃又為紙皂以代催

徵由是戶免賠賍民無需索令十年訟獄

稀少民殷度如往昔矣後陞戶部員外郎

趙鴻猷號誠齋山西高平人進士康熙四十八年任

威嚴明察一時豪猾吏莫能上下手凡憲檄

有不便于民者力為申白尤樂于課士

在任數載吏戢民安風清弊絕陞部曹

昌化縣志 卷十七 三

胡

杲

分木令一夫肩行李一僕執鞭來署邑事甫至陳牒者闐階下閱之舊案也公約翼日當兩造借來聽讞乃呼吏各賚所承卷列几上隨閱隨判已使吏騰寫榜張大門外詰朝諸陳牒者果偕至及門視之則悉已判決莫可更置喙皆歡服叩首去每日坐川堂洞開宅門手籌錢穀日理文移投牒無期限至即為剖斷語語中人隱雖素稱善許亦多面赭媿服由是訟庭不復聞呼號聲矣僅浹旬以代去民深惜之

詹錫瓚

字宗夔號璞齋開化人貢士康熙六十年任教諭為人溫文愷悌推誠不二惟以振興學

校培養人才為已任每月兩課具膳饒給筆札率以為常一脫藁即面為評隲刻有紫溪課士文選革除一切陋規時學署及省牲所三賢堂多傾圮瓚解橐出金一新之并建祭器庫焉壬寅春大飢奉委賑南路冒風雪踰層嶺入民舍視疾苦分賑有法復捐所有以佐賑民賴全活者甚多例擢縣

令解組日攀轅稱頌不絕云

王

紱

字子文雲南河西人舉人雍正十三年任知昌民多樸厚以安靜鎮之然明察有膽決適郡差賫檄來縣需索酒犒張甚紱大列刑具庭鞫之已即械送郡守守廉得情為峻治之自是斂戢其弊始革秩滿調海鹽

張元善

字魁立山東金鄉人以開化丞署昌事機警

明察然寬裕有容先是朱柳旅寓許姓者有徽人沒于店聞之官致累家且窘逾歲復有徽人來寓雉經於牀許乘夜負置敗厝中居無何載芟者見犬啣一脛骨出稍稍聞之地保呈於縣元善集地鄰訊之皆不知所對日將晡忽遜謝若有所見狀遽曰諸人回神語我五日當告以名必自來越三日許果持徽人手書自首公曰爾雖自首然移屍罪不能貫也許叩服結案未嘗波累一人邑人至今神之

甘文蔚 字森然廣西貴縣人舉人乾隆七年任性頗

介勤于吏治初邑之積儲曰留漕曰生俊曰

官捐累穀萬石有奇歲歲推陳納新以存七糶三

為率定例採買外江胥役故語官派買本地穀價

因是踊貴文蔚採士民公論禁革派買民困以甦

邑西南高犁有羣吐釣溪畔偶一木匯于水推之

不去以為神泐而取焉雕刻一胡僧象曰佛祖置

之崇源官且曰時現形村民惑之群走禱祀捨施

莫可計地之無賴與諸禿丁分其貲日夜讌飲無

忌行將大興土木文蔚率役往取象燒之諸無賴

禿丁悉置之

法囂風始息

寓賢

唐昌山水窟宅兼以民俗淳懋高流素託恒樂

暱就焉或採藥以棲貞或宦游而卜宅始為新

厖繼成名蹟自紫溪未析以前尚傳白牛洗耳

之名事近荒忽吾無取焉志寓賢第四十一

晉

許邁 字叔元一名映禹航之垂霑延陵之茅山陳

安世茅季偉所嘗游歷也邁立精舍于垂霑

而往來茅山之洞室蓋庶幾遇其人焉永和二年

入臨安西山登巖採芝有終焉之志乃更名元字

遠遊著詩十二章論神仙事嘗與王羲之書曰自

山陰至臨安多有金堂玉室黃芽紫芝左慈元放

之徒漢末得道者在焉後竟莫測所終

葛

洪 字稚川句容人少以儒學知名性寡欲不慕

榮利閉門却掃未嘗交游惟好神仙導養法

元其從祖也學道得仙以丹術授鄭隱洪就隱學

悉得其法又師鮑元兼綜醫術著撰精覈才華富

瞻以天下亂避地江南歷餘杭諸山晉咸和初選
為散騎常侍不就聞交趾出丹砂求勾漏令乃止
羅浮山後尸解去縣北武隆山巔
有洪煉丹井蓋避地時遺跡也

唐

羅

隱

字昭諫新城人工詩善屬文博物多知寓居
昌化屢舉進士不第僖宗光啓中吳越王錢

鏐辟為從事節度判官副使諷諫忠切鏐雖不能
用心甚義之朱全忠以諫議召不行開平中魏博
節度使羅紹威慕隱名推為叔
父表授給事中年八十終餘杭

梁

饒

京

青州淄水人梁末為鎮海軍紫溪鎮遏使龍
德元年卒制贈太保葬于金山鄉之首源子

孫因家焉

宋

蘇

軾

字子瞻眉山人以熙寧四年官杭州通判時
行屬縣有惠政曾築亭鑿池於邑治平寺後

手書東坡三字刻于石後人祠
於三賢堂又刻于雙溪新亭

明

程

偉

字駿伯號墨菴蕪湖人為錢塘諸生因慕昌
佳山水挈家以居焉博學多聞家貧受徒講

學資修脯以自給喜方外交與梅菴雲章諸
人結鶴社號病鶴賦詩多寓意著有夢夢吟

昌化縣志卷十七

昌化縣志卷之十八

雜記

班固謂雜家者流出於議官然其道則古矣今
之所謂雜者蓋其所譏漫羨而無所統之謂甚
者或取荒唐繆悠之說以充之益惑矣昌志大
事旣訖其軼乃時時見于他說取而錄之志雜
記第四十二

潛說友云許由潁川陽城一云陽城槐里人按史記
伯夷傳序子登箕山其上蓋有許由冢云箕山自

在河南嵩少間。今昌化縣乃有許由亭。傍又有箕山樂史寰宇記又云靈隱舊名稽留許由葛洪所隱與史記殊不相合。故卞令圖經又謂許邁嘗隱此。追慕鼻祖。故有洗耳灘白牛橋之號。亦恐未然。邁但立精舍于餘杭垂霽山。後移入西山于錢唐之靈隱。昌化之晚溪。無相關也。陳善云箕山舊蹟在昔已無的傳。然記載沿襲已久。固當存之。俾後人歆高尚之風。恬寵利之競。亦風教一益也哉。

儋州亦有昌化東坡謫儋州日有上巳日尋諸生皆

出獨與老符秀才飲。又用過韻與諸生冬至飲酒有愁顏解符老壽耳鬪吳公之句。注云符吳皆座客。趙德麟侯鯖錄云東坡老人在昌化嘗負大瓢行歌田畝間。饁婦年七十二云。內翰昔日富貴一場春夢坡然之。里人呼此媪爲春夢婆。坡一日被酒獨行。徧至子雲諸黎之舍作詩云。符老風流可柰何。朱顏減盡鬢絲多。投梭每困東鄰女。換扇惟逢春夢婆。是日復見老符秀才言此春夢婆之實也。說者妄相牽附。遂以此媪爲杭州昌化之堪村人。

胡世寧 字永清

弘治舉人 子卿 旋舉進士 為世寧推官 後升 主事 應節中 知府 廣西 陞江西 揚州 副使 在疏 有涉 官家 謫 歸 抵家 客 滯 遠人 怨之 李 子 勳 區 之 使 名 姓 名 間 道 乃 命 以 不 死 下 錦 衣 獄 中 三 上 書 言 江 藩 之 逆 請 改 藩 陽 居 之 年 官 房 果 及 始 起 除 湖 廣 揚 寧 使 未 任 擢 合 都 御 史 巡 撫

嘉靖九年 端坐而逝 謚 端敏。

由未見東坡年譜也

胡端敏公為德安推官時有劇疾召醫視之曰還有神光公力疾賦詩有萬死神光還自在再生事業敢能為之句其夙所自負可知矣

端敏雖執法然持論常正大時有鄭分巡者勇於革弊州縣官被訟者皆得罪去公曰某知明公為民禁貪之心甚切然亦須使民畏官今官皆畏民恐非治體也聞者謹之

端敏為太平知府以憂歸服闋赴選至滄州值流賊

入城避之問門者曰州有糧乎曰有有水乎曰有有薪乎曰苦無薪公曰比屋皆薪也即見知州張琦勸其急修城守琦曰馬總制惡修城公曰總制失職罪矣然縱賊入城則殃民誤國公罪安逃琦從之公曰治守具苦乏兵器適浙江有部軍器舟至公曰天幸也請州納之次日賊至攻西門公令軍民商旅登陴拒守授以甲仗軍容甚盛賊見氣阻適肇慶指揮聶璣寓城中率其徒持弓弩從睥睨射賊無不死者賊乃退

端敏由四川巡撫遷兵部左侍郎會禮部尚書席書纂輯大禮書成亦陞公俸級公辭以爲國家常賦有限經費無窮正德年間冒功濫賞天下大壞皇上痛革此輩天下始安今未五年冒濫漸開然皆武臣軍匠也臣佐兵部義當執奏不意文職冒賞乃自臣始臣聞太倉積銀不及富勢一家之產天下空廩貧軍乏糧往歲大同甘肅軍變皆由於此所宜人人體悉事事撙節以裕國儲贍軍餉惜民窮而備急用也如臣陞俸一級每月多支米一十三石可養窮邊戰士一十三人一年則多支一百五十六石所謂不通長算者是也

端敏嘗薦林公俊楊公一清于朝疏云俊雖執古而時俗或不之喜然其守正之節則真宋璟也一清雖諧俗而士論或不之歸然其濟變之才則真姚崇也人以爲確論

胡端敏公司理德安德安有岐府秦陵親弟也初就國府人驕橫端敏執法禁戢王有言公對曰此朝廷法卽殿下家法敢不守此朝廷民卽殿下千百

年立國根本敢不恤

嘉靖初勤日講之禮端敏上疏謂講讀所陳不如顧問所得願日輪輔臣講官與凡外臣之素明聖學熟知治體者或再兼言官一二人以備顧問大事當議處大臣當推補亦召輔臣該部與是日備顧問者面議可否裁決行之不惟陛下因是可以周知天下之情弊深識天下之人才而與議者學之深淺心之邪正識之短長亦因知之

端敏嘗自贊曰信而未孚者多言也直而未諒者多戲也周而若比者好稱人之善也怨而若刻者多發人之奸也過有甚于此者輕淺麓疎也然則無一長可取歟曰瞞人之事弗爲害人之心弗存有利于國之事雖死不避三者吾將持是終身焉而前數者氣質之偏則亦庶乎其有改也人以爲名言

楊譽七歲能文一日與其叔杲會席于親之章姓者指譽云現讀何書信口應曰舉目皆可讀之書滿堂無不以志大奇之迨十二歲遂以聯課賞識學

使者曰、丈夫青雲志、譽對曰、帝王紅日心、厥後果
登顯第、官至廉憲、致歸、有清興宦錄傳於世、

陳鳳書、初別業小石門、構室石崖之頂、名伴天居、方
廣不能丈許、下視千尋、每負母躡屐、往來磴級間、
飄若乘雲御風、觀者疑鳳書殆神仙中人、建一刹
于石門之側、名曰觀音堂、創三五楹于石門之發
仞、名曰舍利清室、順天造地設之景、因勢築堤儼
若西湖圖畫、

經籍

昌邑代有傳人簿錄家闕久不載、則以舊聞放
失、罔羅者少也、爰自宋元以迄今、茲因其可信
者、賅而存之、他日求四庫之書、修崇文之目、秉
筆者、得以據焉、志經籍第四十三

經部

讀易私記四卷

明太子太保兵部尚書胡世寧撰

易經通論四卷

國朝進士張自新撰

尚書纂註

明監察御史潘俊緝

補注春秋繁露十八卷

宋監登聞鼓院章樵撰

春秋志疑十八卷

明胡世寧撰

大學衍義補膚見

明胡世寧撰

四書類序

明潘俊緝

四書講義又井田遺制考

國朝諸生章之琦撰

史部

上饒志

宋福建路轉運使章鑄知信州時撰

自述年譜十六卷述滄州退賊事畧一卷桃源建昌

征案東鄉撫案共十一卷

明胡世寧撰

壽者錄

元雪江書院山長凌緯撰

子部

集曾子十八篇

宋章樵緝

近思錄集解

宋昌化令葉采在邑緝并刻梓以廣其傳

讀書記二十卷道德經疏二卷

宋襲開國男章祖義撰

董子雅言

元凌緯撰

章氏家訓

宋章樵撰

陳氏格訓

明太學生陳鳳書撰

陳氏家訓

國朝歲貢生陳秉愚撰

葉氏家訓

壽者錄

元雪江書院山長凌緯撰

子部

集曾子十八篇

宋章樵緝

近思錄集解

宋昌化令葉采在邑緝并刻梓以廣其傳

讀書記二十卷道德經疏二卷

宋襲開國男章祖義撰

董子雅言

元凌緯撰

章氏家訓

宋章樵撰

陳氏格訓

明太學生陳鳳書撰

陳氏家訓

國朝歲貢生陳秉愚撰

葉氏家訓

國朝歲貢生葉蕃撰

事偶韻語

元凌緯編

集部

內外制集又資善堂講義又奏議十卷友山集十卷
又四時雜興

宋華文閣待制錢塘縣開國伯章鑑撰

壺中遯稿十五卷

宋章祖義撰

冰雪集

元凌緯撰

胡端敏公奏議二十卷新河奏議一卷又天慈見現
錄又德安行稿又太平寶慶雜稿又撫蜀雜稿

明胡世寧撰

竹窗瑣語

明襄王府教授戴經邦撰

夢夢吟

國朝程偉撰

愛吾廬稿

國朝王洲翁撰

南溪草堂集

國朝湯溪訓導徐中焯撰

繩武堂遺集

國朝諸生章勗撰

攜園草

國朝潘岷撰

金山草堂詩

國朝葉蕃撰

力林遺集

國朝諸生帥鑲撰

衆芳集

宋章鑑編

補注古文苑二十卷

宋章樵編

自序古文苑者唐人所編史傳所不錄

爲體二十有一爲篇二百六十有四附入者七始於周宣石鼓之文終于齊永明之倡和上下一千三百年間世道之升降風俗之淳漓政治之得失人才之高下于此而槩見之可謂萃衆作之英華

擅文人之巨偉也至別而觀之如岐陽蒐狩實肇中興之美勒石紀功詞章渾厚足以補詩雅之遺去思碑銘鋪揚興王之盛敘功考德表裏名實足以續闕散之芳烈揚子雲做虞書作箴官箴王闕所以輔正心術警戒幾微殆與聖賢盤盂几杖之銘爭衡千古有國家者宜寶之以爲龜鑑所謂傑然詩書之後詎容徒以文章論哉世道微邈遺文雕耗若浮磬之刻蔚宗之著與隋唐藝文目錄所載諸家文集亦淪落十九莫可尋訪千載而下學者得以想象細繹古人述作之懿者猶佛書龕中之一編復出于人間而其中句讀聲牙字畫奇古未有音釋加以傳錄舛訛讀者病之有聽古樂恐臥之嘆樵學製吳門竊簿書期會之暇續以燈火餘工玩味參訂或哀斷簡以足其文或校別集以證其誤推原文意研覈事實爲之訓注其有首尾殘闕義理不屬者姑存舊以俟搜考復取漢晉間舊文史冊之所遺以補其數凡若干篇釐爲二十卷將質諸博洽君子以求是正焉

八家評又昭明文選訂

國朝葉蕃緝

邑乘附

唐山集二卷後集三卷

宋卞園宋欽編唐昌人詩見陳振孫直齋書錄解題

唐山紀事

元雪江山長凌緯著其書不傳

昌化縣志

昌化縣志
明初修見文淵閣書目不知撰人卷數

昌化縣志九卷

嘉靖十七年邑令馬逢伯主修邑庠生汪子卿緝
舉人戴甫校正

昌化縣志九卷

嘉靖四十五年邑令華文甫主修邑庠生徐懋許

希元戴君儀許希皋編緝

邑令華文甫序夫邑之有志猶國之有史家之

有乘也昌雖小邑實隸名都而志顧可闕乎余始仕襄陽仰古之巨區名邑欲徧觀古今人行事之實索諸志則無也蒞政年餘方有事于斯適以見梓藩服改任昌化厥志弗遂及視纂昌化欲周知

境土形勝與夫沿革人文事跡得邑侯馬君逢伯所屬汪子纂述稿檢閱之其目紊其事畧其敘述也亂雜而無章余遂謀諸教諭李君奎祥訓導楊君組胡君榮曰昌邑之名其來遠矣封疆雖乏廣輪貨產固罕珍異然重山疊嶂土樸民純人文漸著實南北之要津兩浙之咽喉也第乏典章無徵弗信亟命庠生戴君儀等校讐之去其重複刪其繁亂述其永備究其行實詞取達意心秉至公其事核而詳其義簡而大援今証古得示將來嗣是而天下後世如考輿地者綜理周考食貨者經費定考建置者規畫正考祠祀者敬義精考秩官者名器別考人品者觀感興考藝文者矜式廣考蹟祥者祇畏深十里之間彬然鼓化山谿之野條爾蜚聲攬勝有餘匡時未逮追縱先哲遙觀厥成乃命梓工垂諸永久馬侯其先得我心之同然余其能成馬侯之志者與嘉靖四十五年孟夏文林郎知昌化縣事西

橋華文甫書

昌化縣志十卷

萬曆壬辰邑令周洛都主修教諭諸生等緝許三

周官史職之所掌者五外史掌四方之志方志昉焉夫昔稱言經尚書事經春秋而志實兼之者蓋以稽往古詔將來別異同明失得匪直空言禪事實也顧乘載之書言與世異故方輿未改忠質互異故實具存因革殊政是風會之流而時勢之反也語云椎輪大輅之始大輅微椎輪之質層冰積水所成積水微層冰之凜故夫踵其事以增華變其本而加厲有以哉吾杭郡甲東南列邑而治者九昌化一巖邑也古隸會稽分當星紀武隆高峙籛溪會流僻在巖谷而民淳政簡文物日開自古志之秦漢以來無慮數變入明來馬侯逢伯考輯前代志益加詳茲去馬侯且數紀矣而臨淮雲麓周侯來蒞茲邑政通人和百廢具興覽志有慨于中曰時異矣事固有宜于古舛于今其作以簡其

畢以巨者無憚于庚也遂殫心力竭討論借邑之博士掌故弟子若而人因舊文增損而潤色焉志成凡十卷命曰萬曆昌化縣志而屬余序諸簡端余讀而卒業舉其大都則首沿革次山川次形勝次物產次民風次戶口財賦城池典籍次人才宦績祀典兵戎以及選舉徵辟節義文章古蹟災祥下逮邱墓具焉其綱舉其目張其事詳其言核其同異不謬其得失不誣真足昭往古鑑將來庶幾乎史臣之經所謂踵其事以增華變其本而加厲者非耶昔杜預發凡起例乞垂舊章張衡合正三史願就新載預非牽于舊而衡非溺於新也易窮則變變則通通則久蓋將通變以宜民而侯志由是矣故曰玉卮無當不適於用後言無驗雖麗非經侯志在適用耳詎言之侈哉後來者試展策而讀之若指掌矣蓋觀沿革則鏡古今披山川則知險阻覽形勝則審要害辨物產則慎居方觀民風則知善俗計戶口則思休養軫財賦則思阜成闕域池則思預防稽典籍則思世守人才思進宦績

思崇祀典思嚴兵戎思詰薦辟思公節義思獎藝文思右古蹟思存災祥思懼邱墓思哀變而通之與民宜之悉達于政矣其所裨豈淺鮮哉雖然侯之所志者什一所施者什九矣余自淮役識侯諸生間茲沐浴接壤耳屬侯政若造士養民剗繁蒐蠹卓然矚然爲世循吏其事難更僕也後來者旣展策而讀之又踵侯之武而畫一之昌民尚有大造哉不佞蓋俟焉

昌化縣志十二卷

萬曆乙卯邑令康萬有主修教諭餘姚聞人宗望訓導崇德徐然編緝刻未竟康令挂吏議去署令

按察司知事滇南黃嘉裕畢其事

邑令康萬有序古者國有史家

有譜毋論晉之乘楚之檇杙與魯之春秋卽閭巷編氓亦莫不有裨官小史蓋匪徒以紀事蹟抑亦

以示勸懲也矧以堂堂都邑命之天子傳之歷朝者而可無志乎昌爲杭之劇邑其來舊矣其志之昭垂已久可以無事更新矣顧考之詩云周雖舊邦其命維新夫新邦維命而新命維人有人則有其命命日新則邦亦從而新耳所謂新者豈必變法易令紛紛擾擾以惑亂吾民耳目而已哉與其利除其害揀其偏補其弊要歸于因其宜而不戾其俗云爾昌雖僻在山谷中其層巒疊嶂川流泉逝巋然煥然自成一家奇特其人材英英磊磊簪纓纍纍若若雖不足以比大縣十分之一而因其地以稱其人亦不至瞠乎其後者因勢利導皆足以行其所學何必廣土衆民哉而志書修于前令周公迄令凡幾多年矣其財賦之出入人物之興廢政令之繁簡風俗之淳漓視曩時若有間焉倘不爲之修輯而增補則何以考覈民風而廣崇治化耶吾昌古稱事簡民醇曩以一二奸民與吏爲難而吏遂指昌畏府然豈知上者表也下者影也官者源也民者流也表端則影正濁其源而求

流之清也不可得矣余受命來蒞茲土正值上下
相疑之日譚治者多以振刷爲急余以昌之元氣
頗消耗矣要在先德澤而後振刷以務培其元氣
不出二三年閭訟者息爭者平士人蒸蒸向化余
日見吾民之醇而民亦忘余之拙也豈非所謂邦
雖舊而民則新乎吾民新矣而志亦因其舊而更
新之大都不出周公之所欲行者而急行之以推
廣其未盡之意則山河無改風景不殊而人間之
孝弟節烈忠厚善良潛德幽光而未發者悉爲闡
揚而殆盡蓋非徒以塗飾耳目而斯民亦且改觀
而易聽矣茲舉也聞人先生開其緒徐先生竟其
說茂才戴君董其成而余則附其名于末云于是
乎言乙卯歲仲秋乙酉六日知昌化縣事閩漳康
萬有書教諭聞人宗望序周官職方氏掌天下圖
而又有外史掌四方誌此後世郡邑之志所由作
也閩漳壺石康侯壬子拜廷命來知縣事首以纂
述爲念越再期政成化行百廢具舉比三年奏績
榮膺乃謂余曰自古輿地之籍昉于八索九邱卽

以如斗之邑忍視典章文物機務體要泯泯已耶
矧按舊誌什一僅存存者又涉毗詞遂令信古者
將無稽則三才之事在于一方者更何所托寧獨
可緩嗟茲文獻不足得非司牧司教者之責乎余
曰然昌雖十里彈丸緬考胡端敏諸公以證今日
孝廉接踵近稱文獻且有誌舊矣粵稽成化而抵
嘉靖邇諸嘉靖而迄隆萬歲歷四紀輯凡有五惜
乎舊板剝落時事不同可續者而莫爲之續成闕
典也余當偕僚友徐君相與討論之訛者正缺者
補新者續繁者刪而就簡駁者去以爲純別之爲
類肖之爲圖鑄詞若干萬言釐之則成十有二卷
審之乎天文而星紀所由稽察之乎地利而水土
所由別周之乎人事而古今世變所由推豈僅僅
爲無用之空言已哉第不佞遊于是邦歲月尚淺
而當日供事爲期又迫于內試故咨訪非不欲博
去取非不欲精或未必無遺而皆當猶聽遠者聞
其疾而不聞其舒視遠者見其貌而不見其形謬
謂康侯所委之意止于此乎蓋姑據其所知而所

不知者將有俟焉書既脫稿于徐君之手縣尉王君邑庠戴生同率校正侯捐俸募匠命二巡司呂君陳君董工鑿梓俾後之官于斯生于斯長于斯者開卷一覽乃知十室之邑形勝幾經點綴沿革幾經損益貢賦幾經條陳莫不犁然畢具因教化而知躬行心得因政治而知愛民如子因風俗節義人才而淳樸之俗作頑廉懦立之風起景行先哲之賢出直與古之豪傑相上下同垂聲于簡編則庶乎文獻於斯為盛侯之功顧不偉與顧不偉與侯已自為引叙諸首簡復徵余序然余既有所著述于中是亦所謂閉戶造車出門合轍不容以不敏辭也謹書之以符同事者之志乙卯歲仲冬署儒學教諭事舉人姚江聞人宗望書訓導徐然序蓋聞二儀既判鴻蒙漸開禹甸九州秦并百粵計吳越之寄扶輿已若纍空之在太澤矧唐昌之綴吳越不猶梯米之在太倉乎然而星分牛女地錯山川紫澗經其南天日峙其東北連省會西接徽饒郵傳往來客便行李昌雖小邑悉索敝賦以

酬供億蓋亦衝繁一孔道也市不能三里城有東西門而鮮雉堞闔闔不踰三百爨而屠酤胃脯賣漿滌器居其強半高門居第閥閱之家罕儷焉疆域四封環界可三百里而分高充役止僅十里高山崇嶺翠峯插天崕嶺崦嵫起伏綿亘瀾望皆是而平原曠土十不得一膏腴沃壤百不得一千章之材百圍之木蓊鬱灌集蒙山藜岫樵者不避虎兇而農夫刀耕火種畝歲不能二鍾以故富者連阡陌而貧者無立錐富者餘紅朽而貧者不能宿春糧素封之家畫棟飛甍丹堊雕漆巖負川觀而窶者繩樞甕牖鑿坯苦茨此昌邑黔氓之大較也乃若風俗之纖嗇食貨之窶涼梟獍之告訐悍夫之格鬪椎埋之攫金徭役之苛繁除傳院宇之頽圯人又卓異之未揚邑令漳水康侯蒞治閱三年於茲既報政矣業已甦積逋起捐瘠銷悍罔之寃息花陰之吠戢蛇斂之猛革狐憑之奸乃得銳意課經術葺廢墜一新祠宇彙次遺聞以雕龍繡虎之才飾運斤成風之治運承蝸解牛之技柄表章

人物之衡等守土也而孰誰爲國僑之愛等居里也而孰誰高彥方之名等通籍也而孰誰展士元之驥等操觚也而孰誰步東阿之吟迨乎柴扃幽貞金閨娟秀無不芬竹素而香汗青不使夷埋莽壑邇者名剡御屏方勤內名乃授餐不佞以邑乘見委同寅聞人先生負良史才豪于文又以計偕上春官對公車不佞卽不文其何說之辭焉姑以編蒲緝柳微長稍事校讎一二志輿圖以正幅隕志疆域以昭分土志沿革以述古今志食貨以定則壤志山川以均道里志祠祀以嚴尸祝志官師以崇教養志選舉以廣敷求志循良以標異績志人物以徵往獻志雜志以啟傳聞志遺事以蒐散佚旣成不敢附於述者之後庶幾來者可采觀焉以質令君蓋令君爲政政在董狐不佞爲政政在東里主人斧之客藻之藻之功僅十一斧之功且十九矣不佞赧然謝不敏何敢以煩棗梨令君曰無以遜也邑得乘以傳不朽乘借光斧藻以冀必傳魏文帝有云文章者不朽之盛事斯乘有焉遂

哀之以授梓人乙卯秋日語水徐然撰邑人許克紹序夫昌之有志其來舊矣說者曰風景依然土俗如故與其改作之紛更何如仍舊之省費乎然而志之所載錢糧爲第一義夫旣條陳爲不可罷之良法曷不付之梨棗以垂不朽矧隆萬以來循良宰政大都遺佚高致鄉紳竟使埋名賢書登俊之儔甚且氓滅無聞嗟嗟浮文滿楮所鑄何事仍舊之說可乎不可乎是以鼎新再舉康令誠慮之也計惟條陳之添入志久道也生齒之森羅志民數也宰政之題名志治行也鄉紳孝廉之並錄志賢雋而顏物色也至若奇觀點綴今昔殊宜尤當互證而增新美哉康令之舉乎則亦惜乎肩其事而勿克終其事乎一旦機奏弗偶謝聞大計竟懸梓匠之食而空之其能免于半途之輟否卽雖募論在前勸示在後無奈人情渙散勢難瓦合何猶幸我昌邀天之福得借令分司震宸黃公祖下車振刷百廢具舉因是以論諸邑遞曰爾邑有廢吾具舉之是乘也誠康主人之美舉亦爾邑中之實

錄存焉安忍置之中格而不就之緒理哉余嘗捐
資倡助協爾共濟毋玩曩昔慕義之願乎于是感
激招徠咸舉手加額各抒悃臆以完乃事嗚呼等
令也等民也視昔纖毫束手于今刻期桴鼓是不
足以徵民情之向背覘政治之得失耶余嘗備錄
其詳俾觀風者一展閱之庶知昌邑之乘幾于廢
矣不有德化之公祖何以完唐昌不朽之盛事且
不有公祖之德化何以白康令修乘之真衷然則
是集也非一家言非一室事乃太史所採而參證
焉者也異日槐嶽使君上陳聖天子曰此天下第
一循良所完之乘也當錄我公祖登九列
而奏之上最豈僅一著宦績于篇中云爾

昌化縣志十卷

康熙癸丑邑令周頌孫主修邑進士陳秉謙邑庠

生章勗帥鑲徐學龍姚九穗等編輯

邑令周頌孫
序臣一介章

縫叨膺簡命濫竽備員以康熙之辛亥歲仲秋
月履任及踰年修志檄下臣怒焉祇懼思蕞爾昌
化隸同文率俾之末彈丸黑子何克上贊高深爰
詢邑中父老得遺志殘編稽昌肇自唐代故別名
唐昌歷宋而元而明其來舊矣四境環山地瘠民
樸疆域綦布士誦農耕工商營貿作息其間亦一
區會也今聖天子撫馭萬方敕寧九有輯車書
圖王會上之蘭臺金匱紀載皇輿昌以斗邑際茲
千載一時敢不拜揚休命期副盛典則建置圮
興城垣宮室制度之當稽錢糧虞衡人文物息禮
數之當究事無巨細烏可忽諸乃兢兢從事開局
之初紳耆接踵僉曰某孝某義某忠烈某節壽疊
以請詳入志懇猗歟休哉言念往乘自司馬班揚
而下越採蒐忠臣徐廣著孝子劉向錄列女梁鴻
紀逸民往事具可倣也是舉繼古續今纂彙事實
焉能竊附諸賢之末第昔之訛者正之繁者刪之
數十年缺畧者補綴而載輯之以是披延表而凜
荏苒之警循營建而勤塗墍之思考山水而知瀦

洵之宜按賦役而敦節愛之用觀俗尚之奢儉以
行補拯問民業之登耗以爲軫恤核經制之澄滄
以釐積玩他如紀官秩勸循良也崇選舉表德造
也揚節義維風化也恪神壇嚴降監也以及碧澗
幽溪山跡佛刹昆蟲草木臺榭風謠雲物氛祲無
不可以佐治理規土俗次第眉列各爲一卷賴紳
衿陳秉謙章勗帥鑲徐學龍姚九穗等操觚參訂
臣不敏謬董厥成非敢曰文獻足徵顯今垂後惟
遵諭條奏在昌言昌與曹檜陳風稼穡述職其義
一也臺憲採擇彙帙進呈 御覽以答子惠萬方
之意昌壤地福小民其有厚幸哉謹序時康熙十
二年癸丑秋月陳秉謙序嘗讀周禮惟王建極辨
方正位體國經野至職方氏掌天下之圖辨其邦
國都鄙人民財用穀畜之數要而小行人所掌萬
民之利害爲一書禮俗政事教治刑禁之逆順爲
一書以復命於王漢令天下郡國計書上之太史
此卽我 皇清作志之意歟今天下大一統矣日
月所照海隅蒼生罔不率俾 天子俞大臣請勅

郡邑彙志上之金匱以昭車書王會之隆唐昌率
土我父母周侯適際其盛有邑乘之舉旁採芻蕘
因及不敏謙參諮簪筆焉謙一介謏庸思夫邑之
乘國之史也作史無料猶良賈無金大匠無木昌
雖蕞爾豈無文獻猶存蒐羅足備者乎爰稽往志
自無錫華侯鎮海康侯後先纂輯以來今卽歲久
代更幸未化爲雲烟災于燹蠹特數十年來沿革
圯興所時有錢穀盈虛之不一或文章事業之奇
潤凌圭璧或忠孝節烈之大芳並椒蘭補綴胥工
見聞務確况際此同文之盛區區斗邑不足以分
日月之光乎賴周侯手芟筆定滌故增新时期月
殫心用披副副展卷披編不必陟武隆臨紫溪見
夫山之高水之清人物之幽勝古蹟之蒼涼風土
之常變庶幾一彈丸事亦稍備 禁苑珥筆之助
哉猗歟李延壽南北諸史出而沈約魏收不行歐
陽氏新唐五代成而劉昫扈蒙咸廢是編也以視
華康之輯則周以其李歐矣章勗序志何昉乎志
卽史也周官小史以掌邦國之志外史以掌四方

之志至列國莫不有史以裁訓典而示勸懲此志所由來也然有統志有郡邑之志志不同而其所以志之者無不同故雖郡邑之志其義亦與統志等茲其重也恭惟我朝景運日新休徵畢集四海輿圖繡錯咸隸版章而凜正朔值茲治化翔洽之時誠宜暢揚文教以昭車書王會之盛廼以纂志之役命閣臣之請而先檄郡縣俾各修志以備採擇或曠舉也時邑侯父母周躬承休命銳志督脩不勝有其難其慎之念焉蓋以爲天下之大一鄉之推也一日之事萬年之鑒也縣非志則事不傳志非人則言不當言不當則不足以取信于今時而昭示于來世况昌據浙上游爲徽寧衢壤其山川盤鬱泉石幽奇習尚敦龐士女貞烈名賢踵接弦誦時聞人文所聚地氣所鍾固不一而足使或綜覈未詳去取未當事義未周其何以光茲盛典而無媿惟是遠稽近述而博于取資剛繁彌闕而歸于簡要局私請湔積弊而悉準之以大義衷之以輿情廼猶不敢以見聞無異詞爲足備一方之文獻也謹屬事于邑紳衿以襄厥成焉勛亦幸備參稽然素固陋不敏惟是勉力從諸士大夫後採其遺佚剪其靡蕪正其舛訛嚴其冒濫別之爲類肖之爲圖次第之以先後使觀穹壤而知星野所由分循建置而知興廢所由異按賦役驗民風而知樽節之宜類選舉鑒人才而知今昔之盛以至官師禮秩事蹟文辭莫不有考而條分縷析一一裨可徵信是則管窺之一助爾如日筆削是承而有補于續述之隆盛此則我侯之貢而非下士所敢期也

之志至列國莫不有史以裁訓典而示勸懲此志所由來也然有統志有郡邑之志志不同而其所以志之者無不同故雖郡邑之志其義亦與統志等茲其重也恭惟我朝景運日新休徵畢集四海輿圖繡錯咸隸版章而凜正朔值茲治化翔洽之時誠宜暢揚文教以昭車書王會之盛廼以纂志之役命閣臣之請而先檄郡縣俾各修志以備採擇或曠舉也時邑侯父母周躬承休命銳志督脩不勝有其難其慎之念焉蓋以爲天下之大一鄉之推也一日之事萬年之鑒也縣非志則事不傳志非人則言不當言不當則不足以取信于今時而昭示于來世况昌據浙上游爲徽寧衢壤其山川盤鬱泉石幽奇習尚敦龐士女貞烈名賢踵接弦誦時聞人文所聚地氣所鍾固不一而足使或綜覈未詳去取未當事義未周其何以光茲盛典而無媿惟是遠稽近述而博于取資剛繁彌闕而歸于簡要局私請湔積弊而悉準之以大義衷之以輿情廼猶不敢以見聞無異詞爲足

昌化縣志卷十八